

黟縣四志卷十五

雜志

詩錄

詞附

送歐陽霽夫倅廬陵

明翰林院國史修撰

唐 皋

都門送客倅廬陵一曲驪歌思不勝
枳棘棲鸞當日有管陶除虎昔人曾
農耕偏要肥春犢市誦何妨破夜燈
只此自堪書薦剡名駒千里快驤騰

贈契友歐陽霽夫赴任

明進士羅田

王 澄

涵養功深履蹈真拜官應喜判廬陵
曉鐘明月初辭陞綵鷁乘風解認津
程晌晚推聲愈赫朱熹初試政猶存
景行

黟縣四志

卷十五

雜志 詩錄

一

先哲光吾道考最旋看重紫宸

客寓金陵歐陽生楚白負笈過訪詩以貽之

明太常寺少卿

顏 渾

問業南來一舸輕扶風門下舊康成
秦淮未覺風流盡勺水拳山可締盟

江州贈歐陽生楚白還新安

前 人

風塵從我一枝棲雪外蒼顏送爾迷
夜雨人歸牽別恨好山春至共誰題
帆飛凍雨三江晚馬度寒隈萬嶺低
咫尺雁鴻分影去可勝聲斷楚雲西

別去無多日山河邈矣情到家新歲月回首舊師生月店

霜橋路飢鳥凍鶴聲此行殊不愜憶爾淚縱橫
拚有醉陶潛浮名也自嫌別離孤館靜依舊數峯尖閉戶
朝憑几焚香夜挂簾一從傷汝去文字幾曾拈

山麓

四言古

邑人

汪

勳

曰放

予家碧山菴竹萬竿暇與同人箕踞林中遙望山
峯如帶平原如掌天竹共青致足樂也乙酉邑奴
宋乞等爲逆鄉人遠避竹不保其菴矣丙戌逆正
厥典十月之望不期而會於山者十餘人有友無
竹惟深感慨而已

胡爲乎山麓親我菴竹菁菁者林可以招鶴日畏蟬棘一

黟縣四志

卷十五

雜誌 詩錄

二

林跼促鶴來無棲吁嗟乎鳴鶴

胡爲乎山谷坐我菴竹猗猗者林蘭香其腹孛菴北辰一
林濯濯蘭無同心吁嗟乎菴竹

馥馥青蓮千歲爲仙棲我碧山漱桃枕泉友我菴竹不庇
其年白石高飛白雲不前陰風自北日光如烟冥鴻長嘯
招日經天相望白石或後或先日之夕矣如彼逝川水逝
餘石日逝餘天天則甚邇秋菊無言

桃源烈婦

五古二首

汪勳

婦農家女爲桃源洞人婦淡粧當鑪虜入境過婦
家見婦姿張刃挾之婦曰幸毋驚我姑願隨若輩

去迫上馬佯與語笑行不半里遙見其鄉人大呼
曰寄語阿兄善自全身善事老姑言未竟從馬上
躍入深潭有智有勇可謂從容就義者矣惜也不
知其姓氏無與立傳使貞婦埋沒今古作詩以哀
之

淑人亶有靈徘徊山之阿白猿瞻天叫林木葉蕭蕭音聲
慷以慨如訴不能多天意彰婦節戎馬生於郊

婦節不可貳斯義如朝廷吁嗟大道暮人帶犬羊腥渺渺
黃雀奴尙不侶鳳鳴豈以象坤體而隕從一盟聳身下萬
仞晝夜流芳馨鬚眉多夢夢脂粉獨惺惺再拜謝女郎胸

黔縣四志

卷十五

雜志 詩錄

三

中無六經

小桃源行

程 珏

桃源風俗近太古桃源地僻稱樂土回憶當年李謫仙一
竿獨釣河之澣兩岸桃花夾水濱春深亂落如紅雨此中
異境別有天白雲深處疑洞府雞犬桑麻樂熙熙竹籬茅
舍面場圃黃山白嶽咫尺間靄峯雲入目先覩釣臺嶺峯
矗水涯怪石欲頽形岨嶇松生絕壁鎖烟嵐苔深古洞滴
瓊乳桃花潭水請淪漪遊魚一一真可數水清石秀山更
奇來遊何必憚險阻至今名並武陵傳桃花落時賺漁父

王葆山七十壽詩

俞 樾

林歷山人長壽身書來字字見精神已爲鄉國扶筇客曾

作軍門獻策人滇海襄勤嘉志節臺洋壯肅采條陳謂黔督岑

襄勤臺撫劉壯肅並見君自壽詩註於今莫悵年華晚自是齊廷老斲輪

小桃源裏足優游何幸瓊瑤遠見投文字虛名慙我竊承以

紀院兩文達見况非所敢當也山林清福羨君修七旬人健渾忘老百韻

詩長未易酬安得稼軒借詞筆爲歌一闋最高樓辛稼軒有最高

樓詞一首壽洪內翰七十

揀選知縣丁酉科舉人俞先生正禧 許懋和

高山流水音伯牙妙搏撫鍾期既天逝碎琴不復鼓觥觥

俞先生深情軼厥祖經籍充腸飽史事儂指數舊調翻新

黔縣四志

卷十五

雜誌 詩錄

四

彈諧語正義監知音雖云遙善誘教乃普鄉林講堂啟文

章森林府說不唐宋仍理不聖賢忤譬諸擊鉢詩萬言日

未午譬諸光風轉萬花隨之吐行年已五十高折桂枝舞

科名非所耽居今意則古溯予未弱冠雜徵思刻羽先生

誨羣才獨弗鄙莽魯激賞著作奇謂非時俗伍欲從鯉對

餘令人康成戶門牆峻數仞貌懼心已許堪傷降玉棺後

嗣厄金虎昔時燕飛來烏衣巷無主愴然念前游誰更言

覩縷

按察使銜山東補用道程君鴻詔 許懋和

脩竹挺窮巖奇花生幽谷時花易見賞愧此奇草木黔山

處荒僻奇氣鬱清淑自古多雋才數之難更僕程君蔚然
興靈秀偏有屬世德繩實紀師資得鄭服隻身萬里行一
覽五車熟說經鑿壁匡辨訛西河卜君學貫天人倫常行
先篤文才潮湧蘇賦藻江涵陸君心攝瀛海百怪爭起伏
中興兩賢相先後殷推轂下筆不自休奏檄旋風速依然
舊書生長揖辭利祿千金濟困乏一錢不欲蓄手修皖國
志悉發前人覆班范材雖長相較慚僕邀帝座缺鈞樂召
君去不復肯堂欣有人繼起森蘭竹稍慰景仰心亦卽山
川福憶君方總角取友及庸碌當年幽棲地詩酒屢徵逐
嚶鳴方遷喬烏啄適集穀君於破賊暇譚心膝每促何圖

黟縣四志

卷十五

雜誌 詩錄

五

世昇平翻未娛松菊載陟黎充山傷哉暮草宿竟令王濟
死思之失聲哭

來安教諭兼訓導吳君錫年

許懋和

吳君系廷陵卓犖彰英姿筆與心俱正人較文尤奇情柔
膂力剛理直氣克持見人有一善若已實有之見人有一
眚雖親不阿私凶暴憚嚴厲遇之悚然卑脩月軒中士戰
藝拏蠡旗君時年最少聯鑣皆等夷黟山賊麇至躡城劉
邊陲禦侮鄉遂奮合旅以成師崆峒人本武一呼百夫隨
非惟義憤激素行衆所知再司永陽訓地瘠官無資養蠶
給日用謀食託諸醫釋勞歸去來衡門長棲遲嗚呼鵬鳥

賦遽詠薤露詩當君撤瑟日值我勞役時回思卣角候與
君同驅馳我伸君欣喜我屈君歎噫印早兩心合諾不干
金移一序兼一誄聊慰夙昔期君歿逾八載我意常含悲
子期空思舊伯道幾無兒上天高茫茫千秋此淒其

前寧國府訓導黃丈德華

許懋和

黃丈少失怙是時家小康不交靡麗子冶游棄縹緲數從
碩儒學長茲布衣裳十六通經史二十能文章內典旁覈
稽篆書辨毫芒壯歲事篇什依永叶羽商文好用韻
畧叶反切待客
精飲饌禔躬恒謙光矢直堪正曲縞贈敬不忘終日手簡
冊至老猶黽皇巖巖儼氣象貌古惟介剛人言偶忤意面

黟縣四志

卷十五

雜誌 詩錄

六

赤辯琅琅所以巨集在煌煌竹瑞堂莫敢贊一辭賞析判
否臧晚年頗自悔訪我屏山旁泥我任刪定我意終悚惶
風輪疾轉瞬返真痛子桑可憐生存處華屋山邱荒溯自
皖江湄蒙採蕙苙芳襟由俗累判情更睽隔長遠饋賁珍
異招邀羅酒漿迄今未變遷祇戶外茅岡文別墅
前山名茅岡薪
誰荷感事彌悲傷忘年老賓客願酌臨風觴

汪丈菊人看劍引杯圖

庚辰謹用
先公元韻

程壽保

聚星堂前客若霰寸鐵不持昔白戰兩度題縑手澤亡三
春訪舊佳圖見命檢先集錄曩篇遣竭薄才塗新絹塵纓
未蹈北山移心香尙向南豐篆合韻世上浮沉時輩踪畫中

省識丈人面丈人鬢鑠伏波儔翰墨塲蚤親黃卷門牆桃

李仰光風冊年講席集多彥中丞傳後著雄文丈受張文毅公知最

深虞人招罔辱皮弁時官每欲羅踏歌汪倫情獨深傾蓋

程本意能異兵間况共乘鄣役倏逾二紀星駛箭卣角兒

童今欲翁感甚賓鴻與巢燕山濤許醉習家池今年頻放

翁喜上吳中簾寫真貌肖景愈工見似心瞿詞曷譔松身

長結歲寒盟菊花用侶晚節絢精神不讓龍馬強蔚炳甘

紆虎豹變平原十日飲真危聞使臣沛公三尺掣如練現

鴻溝今古得喪蠻觸爭吾徒合焚君苗硯馮驩何好缺空

彈蘇髯不飲客長讌丈不飲酒修禊剛流曲水杯補履肯

黔縣四志

卷十五

雜誌 詩錄

七

庸干將劍酌來竹葉春正浮看到荼蘼花豈殿人生行樂

引方長蒲鏢碧筓賞旋轉

汪次顏東齋課讀圖

許懋修

蕭齋傍林坳幽寂絕塵俗桂蕊發秋馨依檐散芬馥丹黃

夙校讐插架列牙軸森立蘭玉姿消閒自課讀鏘鏘雛鳳

聲清若風戛竹儲養青雲氣傳經信式穀樂矣志無荒優

游羨老福

又

汪 騫

皋比曾久侍家學懋淵源積屋羅書史陳編勗弟昆桂枝

纔拂檻竹影恰當門漫許籛金富傳經復課孫

又

俞懋麟

老鳳才名自昔宏
令看雛鳳更聲清
諄諄督課無或倦
直欲鵬搏九萬程

高齋新築傍牆東
左右圖書鄴架充
教子課孫閒自適
桂花香滿竹青葱

旅寓臨湖憶客春
瑤源東山之游因賦長律呈沈雲
呂劉墨愚諸公兼柬汪先生南士 戴榮基

去歲青陽節遨遊興不孤
正當風日美兼喜友朋俱競蠟
登山屐分提聽鳥壺尋幽偕野老
迷路問樵夫泉石供陶寫
煙霞足翫娛情留青嶂外倦返碧山隅
花月嬌羅綺笙

黔縣四志

卷十五

雜誌 詩錄

八

簫雜笑呼綠尊時泛蟻紅燭
夜呼盧一自河梁別徒嗟鄉
國殊琴書苦飄泊歲月老馳驅
遠道悲鴻雁斜陽感鷓鴣
波濤江浩蕩雨雪路崎嶇壯志
虛題柱英風媿棄儒也同
愁泛梗不解哭窮途異地依知
已諸公勝友于廣筵開錦
罽懸榻下紗厨示我娜嬛冊
窺君海嶽圖懷猶陳跡繫交
乃俗情無續夢憐今夕追吟感
故吾詩成燈欲燼落月動
啼烏

甲寅感事

戴承烈

智高今又亂蠻荒
蜜箐深林易遁藏
燭火焉能成皓月
大星可惜落寒芒

林文忠公先卒于軍

八關齋設停刑獄
七縱謀疏養

虎狼

逆首先已拿獲定期正法因撫軍某齋戒停刑遂越獄起事

衡水以南鋒刃苦青

燐白骨總淒涼

廣西

湘潭雲夢疊潏洄戎馬如何飛渡來夏口忽驚三舍避巴

陵無待五丁開

重兵悉守長沙下游守禦單弱

總戎爵位榮頒瑞

督師徐晉伯爵

大帥旌旄落上台

欽差大臣

不塞細流成巨浸萬牛東湧

萬民災

兩湖

鄂州東下是舒州湓口兵先潰上游

九江兵先潰

鐵甲拋殘萬

犀兕牙檣驚散衆貔貅

賊掠民船數千日鳴金鼓夜復懸燈於桅以驚衆安慶守兵望風逃

潰撫軍

曾聞六載孤城在忍見三年一旦休莫倚巖疆思

往哲大觀亭畔盡荒坵

安慶

黟縣四志

卷十五

雜誌 詩錄

九

尚書緯武復經文不演凌波水上軍

長江無戰艦

可奈六朝金

粉地競來百粵犬羊羣潛穿土穴崇墉陷失守金川將令

紛

賊踞城外一古廟開地道陷城廟距金川門不遠

寄語西來新節使何時洗甲

奏宏勛

提督向率兵下追賊已踞城日久

江甯

悲石鼓

戴承烈

乙卯夏粵賊踞黟城北鄉義民與戰於戢兵山殉
難者有四百餘人爲作此詩

戢兵蜿蜒十餘里陵谷不毛澗斷水石鼓不鳴天鼓鳴壓
陣黑雲驚壁壘橫尸撐拒遍巖壑肉飽烏鳶血飼蟻鬼母
嗷嗷徹夜哀聲聲爲哭良家子悲慟誰家骨肉親足繭荒

山頽有泚枕股哀號收骨歸戰場夢入羅幃裏天陰雨溼
燐火青早知浩劫難逃此無端鋒鏑及窮鄉可憐盡作沙
蟲視爲報朝廷豢養恩得茲義戰轉堪喜椒漿偕奠伯升
靈明末江伯升電手誅逆僕宋乞事載邑乘諸君身死名不死

入山避亂雜詠

戴承烈

幾度穿雲入翠微山翁爲我啟柴扉濃春煙景渾拋却羸
得盤殮筍蕨肥

終日溪頭

地名

戶不扃好山如壁倚階庭杜鵑簇彩松攢

翠一幅天然錦繡屏

休言峻嶺往來通洞裏仙源詎易窮攜手白雲最深處相

黔縣四志

卷十五

雜誌 詩錄

十

期無出此山中

謂汪文真階

村居晚眺見山原營壘森列鄉落蕭條悵然感賦

戴承烈

鼓角營門落日寒馬蹄直上碧雲端午泉夜半驚烽火幾
等窮邊保賀蘭

桃源深處幾人家活活溪流遶岸斜雞犬不聞桑柘盡蕭
條白地起黃沙

板橋日暮水潺潺橋上行人荷擔還樹外旗搖疑有敵一
時齊望馬鞍山

將軍解甲醉流霞曲巷蓬門笑語譁小市竟成金雁驛野

花無數入人家

張雨峯駐兵黟北士卒多攜妓女混踞民房壞壁傾囊與賊無異

題新安大好山水圖

戴承烈

君不見黟山六六奇峯起天都蓮花相對峙瀑布飛激鳴
絃泉練水之源由此始又不見復巖東走白嶽巔一一靈
踪擘掌指溪流下達新安江皎鏡冬春長綺靡千巖競秀
萬壑流桃花萬樹桃源里瓜皮小艇竹扛兜出沒煙霞忘
遠邇有時策杖最高峯解衣磅礴看奇詭如遊圓嶠與方
壺時見仙人彩雲裏有時放棹緣溪行綠竹丹楓環夕市
又若邦溝與秦淮金碧樓臺鬪紈綺謝公清遊未及遊謫
仙訪仙初到此先生桑梓居是邦青鞋布襪攜童子作客

黟縣四志

卷十五

雜誌 詩錄

十一

他鄉復卧遊紙帳雲生夢魂喜
圖于帳額 酒醒宛自故鄉來江
湖無此好山水

際村卽景

戴承烈

桃源古境說秦封天險初經第一重鳥道百盤登月殿羊
腸九折繞雲峯叢林霧隱聞元豹巨壑煙迷制毒龍休道
琳宮深不見下方時聽數聲鐘
羊棧雲封

昔賢放鶴舊名亭招鶴歸來鶴性靈同是閒雲心萬里共
遊化日壽千齡蒼苔白石從吾好綠綺朱絃任爾聽漫詠
上天聲一一九皋風轉緩梳翎
山亭招鶴
幽風蠶月說條桑老屋叢祠近虎場五畝垣墻靈草木一

羣荆布古梳妝添梯方待編疏箔采綠端宜執懿筐善政
勿忘賢邑宰

近年屈公出示
遍傳種桑之法

焚香並肅馬頭孃

桑園拾翠

門對寒山石徑斜桃源幽處野人家白雲深護千重樹烏
柏紅於二月花菊採東籬知送酒客來北墅愛停車滿林
如織天孫錦孤鷺飛來間落霞

楓塢流丹

怪石凌虛古寺深祠堂荒廢野苔侵相儒夙抱從龍志石
隱長留野鶴心平旦鯨鏗存夜氣中宵獅吼起雷音國殤
毅魄應常聽憑弔何分古與今

乙卯夏黔北義民與粵賊
戰於石鼓山殉難者四百

餘人 石鼓鐘聲

謝村夙號順仁鄉東去雷岡大道長二水滙成明鏡路雙

黔縣四志

卷十五

雜志 詩錄

十二

橋低映彩虹光衣香人影匆匆過白叟黃童得得忙最喜
門前槐柳茂老夫努力愛春芳

板橋春景

春日書懷寄俞伯岑

汪汝雯

次顏

古稀將近嘆蹉跎迅速光陰感逝波才短自憐生計拙家
貧翻累子孫多空階雨滴新愁集永夜燈昏老病磨富貴
浮雲看過眼青氈株守奈衰何
頻年辛苦橐難充盡付洪濤一擲中漫認砒砒爲美玉錯
將樗櫟比焦桐無依宛似失羣馬多累真如負版蟲清夜
思量垂老計算來合是命多窮

癸亥春避亂葛川自夏徂秋未能返里率成四律排

悶

汪汝雯

飄蓬無地得居安
兩鬢添霜強自寬
逝水年華愁裏過
絆身名利夢中看
人因世亂心尤險
事到家貧處愈難
枕簟涼生秋夜永
不眠起坐怯衣單
頻年兵燹苦難休
歷盡冬春又屆秋
鴻雁哀鳴嗟失所
豺狼搏噬任周流
功名郭李誰能繼
事業蕭曹孰與儔
試聽黟山風雨夜
煩冤鬼哭聲啾啾
天災從古說流行
偏到桃源劫匪輕
兵氣未銷疫氣厲
良苗均槁莠苗生
可憐白米如珠貴
安得黃金點石成
十載干戈仍擾攘
此生何日覩昇平

黟縣四志

卷十五

雜志 詩錄

十三

茅齋夜坐寂無聊
一盞寒燈手自挑
世路崎嶇金可補
中懷塊壘酒難消
雲橫猶阻三山徑
水長纔通兩浙潮
回首故園歸未得
夢魂時繞碧山腰

雉山龍池庵題壁

盧鯤

策杖間遊任意看
溪光雲影上闌干
藤蘿牽廟經年久
兵燹餘松耐歲寒
魚躍鳶飛濠濮地
山青水碧子陵灘
池中有潛龍窟
窟莫漫垂綸下釣竿

樵貴谷

范鴻漸

空谷絕塵喧
羲皇託高致
有客支筇游
行行逸情恣
勝迹歷窮探
豁開一天地
茅舍自成村
耕作無少異
牛羊時往

還雞犬桑田戲黃髮竝垂髻相見敦古誼把酒話殷勤自
云先世避避秦族於斯不復慕榮利畎畝服先疇機聲雜
夜織爲言淳樸風雖久堪哦記

澧珊姚世伯赴郡複選參議員率呈長句

程桂芳

我聞老氏之道天下柔學界瑟縮燕雀偷又聞秦皇之術
愚黔首政界專制牛馬走羣雌粥粥一人雄目盲口啞耳
頑聾閉關鎖港大一統安知歐風墨雨倒捲而來東競爭
母產文明子盧梭民約孟法理蟄雷一聲天地春楫槩國
中呼起起君不見十八世紀之歐洲革命風潮海倒流今

黔縣四志

卷十五

雜志 詩錄

十四

日堂皇立憲國當年鐵血幾要求豈若支那聖天子陶歐
甄美鎔明治五事誓詞一詔書從今願與民更始嗚呼從
今願與民更始不煩一兵折一矢民權本是我舊物二千
年來還故主失之容易得之難我忽悲歌忽起舞桃源自
古避秦地不識漢秦甯魏晉此去驂騮路道開時來蟻蛭
雷霆震憲政十年會有期議員一舉慎始基初選複選再
三選而府而省而京師僕有一言獻公前寄語諸君共勉
旃凡事難逃初階級每經破壞始完全君不見法國五百
萬人選舉權四百九十二萬參議員

光緒乙未八月初一日偕孫簡庭王補庵遊復山疊

胡雪眉先生原韻

程 珪 敬 乾

怪石遙疑虎豹蹲，濃雲變幻萬峯屯。
數株丹桂依巖岫，一片寒烟鎖寺門。
秋水長天環遠浦，殘霞映日射孤村。
憑欄

縱目真無礙，應羨仙僧淨六根。

巖中有覆缸，內藏高僧真身。

山勢如獅踞地蹲。

復巖山勢，鎗筭堪輿家謂之開口獅形。

當年曾此設兵屯，擬攜謝眺驚人句。
來叩通天帝座門，四面雲山疑罨畫。
萬家烟火接墟村，振衣千仞高岡上。
策杖閒吟坐樹根。

猿狖有時據樹蹲，前朝禦寇積糧屯。
白雲舖海遙歸岫，紅日銜山未閉門。
樵子負薪過仄徑，牧童沽酒返前村。
淙淙

黔縣四志

卷十五

雜誌 詩錄

十五

石澗鳴泉響，采得菖蒲九節根。

古碑披讀足還蹲，槐樹苔深蟻聚屯。
筆架岫看排疊嶂，香鑪峯恰對當門。
齊雲高矗開靈蹟，深水灣環繞遠村。
更向層巒間眺望，如探月窟躡天根。

垂珠洞早望

程 珪

垂珠洞口看晴霞，百二春光感歲華。

是歲閏三月

乍喜行吟隨

牧豎何妨泥飲到，僧家禪參玉版宜。
燒筍味試靈泉自煮，茶忽聽野禽啼不住。
滿山開徧杜鵑花。

垂珠洞晚眺寄胡敬菴

程 珪

垂珠洞口白雲封，步上層巒積翠濃。
山寺靜聞鐘斷續，巖

泉間聽玉琤琮蟾光朗澈明千里鳥道盤旋望幾重思我
故人棲皖上索居能勿訴離悰

偕胡敬庵遊金竹庵卽景

古木修篁露氣清登高遙望暮雲平丹楓落葉蕭蕭下碧
澗寒泉泐泐鳴遠寺荒涼循徑上深林幽僻踏莎行山門
寂寞無僧住祇有神鴉解送迎

僧厨竹規引清泉

四十年前僧厨中係用竹規引水今僧厨傾頽失舊觀

此地重來

亦夙緣喜到楓林饒晚景遙看茅舍起炊烟歸鴉忽噪山
前寺新犢猶眠隴畔田乘興偕遊今踐約登臨勝蹟望無
邊

黔縣四志

卷十五

雜志 詩錄

十六

路入叢林一徑清崎嶇山嶺喜微平寒巖有草花仍放深
樹無人鳥自鳴足踏芒鞋凝露濕手持藜枝撥雲行禪關
僧去門空閉何必袈裟寺外迎

和韻笙兄遊碧山文峯塔

嶙峋孤塔聳晴空遠望林巒夕照中四面溪山疑罨畫萬
家烟火接西東登臨眼界都無礙到此胸懷迥不同願得
將身高處立吟成詩句盡英雄

振衣千仞到浮圖結伴偕游興不孤經世才人生此地

汪南

士先生博極羣書著有英吉利攷畧十三經註疏校勘記識語後漢書輯說文校學錄

同時儒吏祀

成都

汪麗泉朝議以翰林出守成

凌雲宛似一枝筆探險

都善政及民歿後入祀名宦

疑穿九曲珠俯視塵寰皆足底世間名利笑區區

案台山卽景

歙縣 汪宗沂

七腦芙蓉列似屏峯峯排列地通靈我家亦有樓環翠徑

拾名山作客星 芙蓉列屏

山村大好繞溪流水入平原潤碧疇溪外有山溪上屋道

人終日狎溪鷗 豐溪環帶

彩筆題詩第一豪禁烟時節薦溪毛卻從五鳳徵佳讖蕊

榜聲名若箇高 鳳樓拱秀

有誰學業媿楊時水口交牙亦出奇他日北門憑管領盤

根仙系足當之 龜山鎖鑰

黟縣四志

卷十五

雜誌 詩錄

十七

青山慣作道家裝中岳長生未可量一縷雲生旋釀雨祿

存疏齒穴深藏 了角疏雲

侍郎橋邊好釣魚釣魚池上有人居人來勝釣寒江雪釣

得銀鱗願不虛 石橋釣雪

題韓隱詩鈔

番禺 潘飛聲

壺公從不去天涯城市詩豪酒可賒雲脚匡廬閒看瀑荻

尖明月夜聽琶一灘山水能垂釣七里梅花便作家願乞

刀圭還黑髮風塵應未老容華

又

湖海元龍氣壯虹長鯨跋浪海門東百家搜盡胸羅富五

嶽遊歸眼界空史論上參班馬座文鋒高燭斗牛宮詩工
本自窮愁出到底詩人命不窮

又

歙縣
許世球

文章妙處本天成火不純清業不精風掃殘雲新月出水
淘濁滓淺沙明苦吟爲索驚人句滑調休誇下筆聲莫笑
雕蟲稱小技千秋詩卷幾留名

霞塢晚眺

黃瑞蓮少白

暮景遙看漸渺冥菁菁芳草滿畦町疏林鴉聚團團黑蕭
寺燈搖點點青遠樹夕陽隨鳥下前村牧笛隔山聽歸來
己是黃昏後新月初升上畫櫺

黟縣四志

卷十五

雜誌 詩錄

十八

茅岡晚望

散步茅岡曙色冥人家多未啟柴扃疏星幾點沈高樹落
雁分行入小汀十里炊烟籠下塢兩行古木擁孤亭前村
蕭寺燈明滅惟有鐘聲隔壑聽

淋瀝觀瀑

淋瀝山寺一聲鐘晴空現出萬芙蓉鍾奇角秀讓瀑布青
天九道飛白龍白龍陡落三百尺上吐雲烟下怪石鬼斧
神功雕刻精如筍如劍如幣帛就中一石更奇絕形似井
欄骨似鐵攔住峯腰作龍門水石搏擊聲激烈珠飛玉濺
過此靜不信人間有仙境洞中定有蛟龍眠青溟浩蕩不

見底投石擊水聲浪浪波旋浪轉爭喧攘癡心要識水深
淺安得扁舟訪水鄉回頭鼓勇東山巔千峯螺黛翠相連
瀑布聲聲猶在耳腳根踏遍萬山烟

擬太白樓題壁

孫茂寬
簡庭

軒然高閣臨江起放眼青天拍江赴持杯我欲發清吟不
道先生醉未死先生斗酒百篇詩興酣往往著狂思玉笋
金壺香拂硯筆花開到盛唐詩六代詩豪君獨步奇才隨
地人生妬清平觸惱到楊妃錦袍烏帽尋歸路月白風清
江湖邊手摘星辰當酒錢一飲千鐘恨不醉長鯨吸盡齊
州烟底事百年身草草巢父難留賀監老先生原是謫仙
人毅然捉月遊三島吁嗟乎不識何年遺此樓惟餘明月
照千秋誰人更跋驚人句一聲長嘯凌滄洲

桃源尋春

石洞玲瓏接天翠暖風吹面鳥聲碎兩岸桃花相映紅春
來勝比武陵地桃源佳處總堪尋無數峯巒簇碧岑兩三
茅舍竹籬外一水瀠紆自古今曳杖穿雲過棧閣歷徧幽
巖復絕壑昨日看花花未開今日看花花漸落花開花落
自年年中有高人號謫仙路上桃花襟上雨爲花忙著亦
陶然豈是避秦居洞裏雞犬桑麻誠美矣桃花谷口笑迎
人散作流霞逐流水境界清幽絕點塵此間風景狀難真

欲逢子驥探靈境冀與淵明同問津子驥淵明果何在底
事何須話瀛海白雲芳草思悠悠人去溪山終未改潯陽
臺下釣魚舟我是漁郎鼓枻遊釣得赤鱗沽酒去一杯含
醉伴沙鷗

石墨嶺

峻嶺鑿重重黟山擅勝蹟靈氣多所鍾於斯產墨石石墨
何以珍文房配玉冊後乃鴻濛開先於文字闢太古詩
豪染翰縱情適靄峯筆長懸宜書復宜畫飽酣濕淋漓烟
雲滿紙積莫將塵土輕如金自可惜

齊雲紀遊

有序

黟縣四志

卷十五

雜志 詩錄

二十

白嶽爲新安名勝自唐宋以來騷人韻士題詠甚
夥欲一縱覽以拓胸襟屢訂遊侶因事中輟爲鬱
鬱者久之適族弟筱庵自翥山歸約爲斯遊遂躡
屐偕登時值仲春中澣花香鳥語景物喧妍直上
峯巔俯睨萬壑有飄飄欲仙之致不揣珠玉在前
漫成五排二十二韻聊以爲雪泥鴻爪之留云爾
昔讀新安志眷懷白嶽巔今朝偕嘯侶聯步躡飛仙絕壁
橫皴勢奇峯杳窳連天門看鼓列石棧玩鐘懸鸚鵡千年
石珍珠百點泉觀音巖畔竹真武鉢中蓮五老迎岩側三
姑接岫前香鑪峯卓爾羅漢洞悠然肅穆朝真宰皈依近

法筵嘯聲深谷應月影小池圓一一探壺嶠層層入洞天
樓堪名百子柳正熟三眠覽勝同攜手高吟共拍肩仙禽
音宛轉瀑布響潺湲入座黃冠揖升堂羽客延老庵餘夕
日古剎繞炊烟且宿仙岩側同棲福地邊鐘聲晨入聽磬
響夜遙傳爽籟襟懷暢清幽俗慮蠲繪圖無畫手紀勝有
詩篇啞虎嘲知免續貂典漫宣何當築精舍曠達慕先賢

漁梁渡

練江來去藉扁舟落日行人聚渡頭忽見東峯新月上推
篷驚起水中鷗

滿灘新漲溢山城垂柳垂楊漠漠輕隔岸人家漁舍密櫓

黔縣四志

卷十五

雜志 詩錄

二十一

聲相送賣魚聲

迢迢流水繞長隄白也曾尋隱者棲幾度停橈來問渡至
今流水各東西

雲峯塔影映前汀渡口輕舟似泛萍送客江頭人不見一
聲欸乃暮山青

登斗山亭望黃山

屹立山亭目可窮登臨憑眺開心胸何年構此接霄漢俯
視衆山千萬重前峯變幻奇無比疊疊雲濤捲風起松翠
千株復萬株隱然招我白雲裏冉冉白雲望欲堆樓高疑
住小蓬萊六六芙蓉畢可數牕戶排風面面開牕開黃海

恰當面紅日初升盡照見勝境如披古畫圖參差高下成
一片此境原來屬仙家鼎龍去後孰浮楂躑躅可望不可
卽極目又苦白雲遮北嶺雲興南嶺霧乍連乍斷疑無路
依稀三島與十洲祇有慈航或可渡漲影嵐光兩不收登
臨一洗古今愁看山絕勝讀名畫飲酒放歌宜此樓樓頭
徙倚滌凡念意態昂然雄且傑倘躋天都最上頭劃然長
嘯山應裂

采茶曲

社雨霏霏社鼓譁松蘿山頂綠雲遮杜鵑未喚春歸去先
聽村娃唱采茶

黔縣四志

卷十五

雜志 詩錄

二十二

珍重頭綱要釀新茶甜茶苦說馨香村娃幾輩攜筐去盡
是茶園采摘人

紅英紫筍簇山尖穀雨巖前玉手纖莫笑鬢邊雲影亂一
朝忙過未盈襜

乍晴乍雨采茶天載到西洋要滿船祇爲年來茶價好人
家生產薄桑田

輓汪振聲司馬

中秋前夕薄醉酒瞥見一星墜如斗疑是來宵月正圓誰
去廣寒尋仙友明日驚傳失善人汪倫遽爾謝紅塵拍案
一叫淚如雨愁雲陡起塞天垠嗟予論交數知己與君真

如石投水西齋四載共談心縷述生平言在耳嗟君失怙
幼年時鞠育端由母氏慈長握智珠遊闖業成陶白善
居奇恪遵慈訓常分惠仁粟義漿宏利濟澤及枯骨慰幽
靈年年掩骼更施櫛爲安窀窆卜牛眠酷嗜青囊志獨堅
譽比王烈鄉望重觥觥啟後與承先孝行久推茅季偉生
事死葬均盡禮輝煌綽楔壯門庭稠疊絲綸頌 帝陛巍
坊聳蠹漁山陽君爲節母建坊接迹共姜姓氏香欲使千秋光煒
管更求藝苑贈詩章君爲節母徵詩盈帙待壽棗梨垂不朽未覩成
書遽撒手幸哉有子紹箕裘繼志定應昌厥後鯁生解館
纔半年不堪重過黃墟邊况復復山山下聞蒿里使我一

黔縣四志

卷十五

雜誌 詩錄

二十三

度追思一泫然

乙未八月初一偕同學王桃村君陪程敬乾先生遊

復巖山步胡雪眉先生成浚原韻

遠望巖腰石筍蹲葱龍古木野蜂屯歷經險徑疑無路悟
徹禪機不二門楠木發源環峻嶺蓮華繞足接前村採來

百合當靈藥

歸途採百合

勝似丹砂造化根

丹砂者造化之根見雲笈七籤

直登絕頂舞蹲蹲怪石蒸雲萬古屯委蛻高僧遺舍利

山中

藏高僧真身

成陰老檜護山門林鐘聲寂存殘刹砧杵秋深響

遠村桂子茶香留舌本

山人以桂子烹茗餉客

方知金粟託靈根

感時雜詠

黃帝神明胄泱泱大國風智能期互換中外久交通尙武
徵兵壯修文教育崇而今言地運東亞正隆隆
赤水握元珠東方豈病夫主權收路鑛計學課錙銖美術
翻花樣農功闢草蕪輸贏爭一著此局未曾枯
一統全球業神農大九州體操柔術善軍制伯圖優比例
增新法乘除擅勝籌學生多俊傑並世較曹劉
優勝者生存競爭不二門丹心盟日月鐵臂挽乾坤自治
全人格合羣振國魂從今遵憲法議會起町村
振作起疲癯同胞四億中軍歌聞鴨綠鐵血灑猩紅狐兔
俱跽伏熊羆盡效忠國旗招颯處時勢造英雄

黔縣四志

卷十五

雜志 詩錄

二十四

今年由塞上南歸登羊棧嶺巔望家山

峻嶺雄關擁翠鬢萬重山外是家山行行漸近桃源境一
輛籃輿客路閒

昔時綠鬢已成絲猶記飢驅度嶺時明日題詩應起舞萬
峯相送到庭闈

到家口占

舊時景物認依稀十七年從萬里歸卧雪飲冰緣底事三
春且賦遂初衣
雁磧雞林不計程曩年掉臂氣縱橫還鄉不覺頭成白一
卷徒留出塞行

題姚養泉林厯望雲海圖像

休甯

汪汝綸

我家住近白嶽峯未一攀躋識真面容來爲我說黃山雲
海蒼茫尤萬變自笑平生足力孱安得奇觀夢中見擬倩
畫工往繪之卧游終日應忘倦披圖忽覩林厯翁一龕茅
屋萬山中閉戶著書雲入牖巖前煙雨極空濛黟山自昔
多靈異林厯仙翁尤高致卽今人往畫圖留老輩風流猶
未墜仙翁遺悅幾何年歷劫不壞金身堅避世自偕鸞曜
偶承家况有紀羣賢書生結習未能去講席逡巡三載據
何時策杖林厯游細認當年吟哦處

屏山樓

樓在九都舒村

休甯

金宗顯

黟縣四志

卷十五

雜誌 詩錄

二十五

百里桃源繞山樓得趣深雨晴宜晚對花月恰春臨景物
供圖畫雲霞自古今何時重載酒來共倚欄吟

陳素

卜築圍屏下東山別帳橫雲開峯獻秀琴閣竹搖聲嵐氣
通窗潤風光入座清舒懷吟咏處恰有石泉鳴

朱子福

屏列邑之東樓聳倚山勢簷棟若翬飛窗櫺多稚倩花木
四時春琴書一生趣偉哉蘭玉英早遂青雲志

拙齋

挿屏雲漢裏樓構共屏高欄倚游心息窗開望眼勞嵐光

浮翠羃草色映青袍萬古鍾靈秀綿綿產俊髦

胡拱辰

樓外佳山列畫屏樓中榜字襲山名泉垂一道流千古月

到重筵夜四更中目何須圖孔雀妹為繼室遷喬應好聽倉庚

青雲近在闌干曲玉筍班聯曲曲成

豫章萬祥

山畔危樓實壯哉環樓面面畫屏開嵐飛空翠浮歌席松

落晴陰浸酒杯舉袖上揮星可摘倚欄低視鳥知迴其中

多少窮經客取次登瀛侍鳳臺

姑蘇趙麟

黔縣四志

卷十五

雜志 詩錄

二十六

危樓百尺獨超然四望常覘景物鮮山列畫屏收宿霧樹

浮蒼靄帶晴烟開窗雲氣生衣上捲幔泉聲到枕邊客去

攜琴獨登覽也宜樽酒自盤旋

亮軒

門外青山似畫屏樓臺高峙足怡情四時花木供清賞八

面峯巒俯繡楹賓客登臨無俗韻兒孫羅列有書聲梯雲

接月蟾宮近好把鵬程付後生

吉水龐珙

桃源深處是君家高閣沈沈靜不譁萬壑清流生座席一

天星斗露心花遺經已見牙籤富蓄德應知慶澤賒聖代

於今收隱逸會看徵詔入烟霞

吳甯

層檐高構倚名山瀟灑應無塵俗干得月溪邊偏覺早摘
星天上不知難雲屏雨洗三春秀石澗泉飛六月寒最愛
主人清興健悠然胸次共天寬

萬安

劉烈

千章喬木蔭屏山百尺危樓隱約間濃淡晴陰青點染高
低秀色翠迴環良時風月懷偏壯午夜星辰手可攀未許
此中耽痼癖徵書旋見貴鄉關

祁門

汪回顯

黟縣四志

卷十五

雜志 詩錄

二十七

屏山北峙吉陽東一座樓臺望莫窮夏雨春風人我共朝
嵐暮靄有無中琴清祇許知音聽酒熟還邀故老同十二
危欄近寥廓文星千丈煥簾櫳

吉水

高廣

若有人兮美如玉習隱屏山構樓屋杏花笑日映窗紅竹
葉凝陰上簾綠課兒日讀書五車與客時敲棊一局何時
有約許來過共向其中論心曲

安城

蔣鐸

樓外山光隱畫屏樓中瑞氣逼窗櫺坤輿靜運能還帶乾
蓋平臨可摘星景入黃岡蘇軾記青於西蜀子雲亭太平

有暇衣冠會來往應知少白丁

錢塘

汪澄

樓扁屏山往日題又看別構與雲齊九天星斗高攀近四面峯巒入望低滿座會文新几席前程接武舊階梯異時策杖遙相訪卽沐清風喜袖攜

安城

萬節

山橫樓閣勢如屏畫檻層層畫不扃雲霧千重凝淺碧芙蓉九疊出空青深連玉宇常邀月高逼丹霄可摘星羨爾蘭階儕庾亮憑欄唱和許同聽

陳紹州

黟縣四志

卷十五

雜誌 詩錄

二十八

畫檻雕欄聳碧空佳山面面削芙蓉春光到處花香細明月來時樹影重積翠一簾朝雨後殘紅半榻夕陽中欲窮千里雙眸淨可許登臨挹好風

屏山十景

錄六首

舒時亨

萬木森森擁秀屏端方正立鎮長寧朝含瑞氣連天碧戶捲珠簾入座青厚重欣瞻高祖德尊嚴合共泰山銘雲蒸雨潤陰陰綠威鳳祥麟並毓靈

屏風擁翠

笏立鰲騰上接穹遠迎羲馭到黟東仙人下步花園畔龍燭全驅宿霧空捧寶峯頭公獻曝連天頂戴日初紅吉陽山駐陽光吉五色川原影照中

吉陽曉日

三姑愛此共登仙列坐峯頭不記年下土憑儂呼姊妹高
鬢自許濯雲烟星台削立春林筭筆陣鋒摩碧海天秀絕
寰區人未識神山竄海等逃禪 三峯聳秀

吉陽百帶自東流屈曲齊趨吉水溝汲飲而甘人福 地名福墅

壽油 古咏新安水如油 疏以灌歲豐 社名長豐 收恩波遠逝還留浙 本

浙源且高祖下屢有仕於浙者 印笏 水口砂名 當前自在浮廿里桃源長繞綠

屏風文嶺互悠悠 吉水流波

撐壁玲瓏石洞新吉陽山半吉雲皺騰霄帶映千門瑞結
蓋陰添萬井春月夜人歸跨白鹿仙梯路別隔紅塵誰知
此內龍猶卧爲待雷轟遍雨垠 石洞春雲

黟縣四志

卷十五

雜誌詩錄

二十九

尋香望雪到梅林雪聚香濃兩愜心映日梅香鬆雪椀飄
風絮雪落香襟公簪雪鬢香黏帽鶴蹴香花雪弄陰玉立
森森香雪艷梅香林雪護雲深 梅林香雪

屏風突兀接穹窿萬葉千枝氣鬱葱轟轟樓臺桑梓裡重
重帶礪畫圖中萸囊細貯題糕字菊酒香迎落帽風我醉
誰扶歸路遠陶情尙欲坐丹楓 屏風山登高

擬向高山修令節翻來祖廟賞重陽臨龕仰見衣冠古下
拜微聞俎豆香序齒人多聯雁字猜拳客自比鷹揚尙思
功德高無極朗唱豪吟又舉觴 屏山樓登高

東文嶺紀游三十首

依上下平韻次序各一首

舒曜華 文瀾

青山小住興無窮峭壁斜穿一徑風前路有香梅約我幾
枝開向嶺頭東
豈有芳蹤未許從白雲一帶嶺頭封癡心欲向青天問仙
在蓬萊第幾峯
地僻應無笑語嗔嶺頭惟見雁來雙聲聲度入雲中去山
自青青水自撞
森森樹老綠參差慣歷風霜只自知嶺外春殘花欲盡可
曾留得兩三枝
嶺度斜陽入翠微荒村幾處揜柴扉投林野鳥飛應倦未
識緣何不早歸

黔縣四志

卷十五

雜志 詩錄

三十

嶺上浮雲任卷舒亂山深處結蓬廬前途不識誰家子採
藥人來自荷鋤
纔經細雨綠陰鋪嶺上晴嵐淡欲無幾處炊煙飛不定林
光山色望模糊
崢嶸峻嶺與雲齊四顧蒼茫萬木低休道山深殊寂寂多
情飛鳥逐人嗶
芳草連天接翠崖從來半嶺氣偏佳短長亭外松枝老折
煮新茗暢客懷
晴雲欲向嶺頭開行到嶺頭雨又來乍雨乍晴渾不定令
人一步一徘徊

經過嶺上幾番春
鬢有風霜面有塵
行路之難難若此
緣何不斷往來人

樹色山光兩不分
接天烟霧日氤氳
嬌兒休笑空囊返
嶺上攜來滿袖雲

轉過山腰漸近村
炊烟直向嶺頭屯
誰家爲客供雞黍
共話桑麻酒一樽

一陟崇岡眼界寬
周廻看盡好林巒
登山忘卻來時路
翠嶺重重頗不難

層山疊嶂好追攀
贏得人生一日閒
嶺上烟雲須掃盡
莫教遮住萬里山

黔縣四志

卷十五

雜志 詩錄

三十一

暮雨纔收落日邊
閒行嶺上聽流泉
聲聲暗度茅簷外
半入池塘半護田

是誰有意避塵囂
嶺上相逢但手招
欲訪行蹤人不見
白雲一幅鎖山腰

朝來策杖出林郊
到眼雲山儼故交
斜日有時西嶺去
一鉤新月掛松梢

石自嶙峋嶺自高
重遊不厭興偏豪
芒鞋踏破歸來晚
卻被青山笑客勞

行行且止路偏頗
不但山多嶺亦多
每月歸來來又去
一年二十四番過

亭亭嶺上樹交加絕少行人靜不譁薄暮歸樵歌漸起一
肩紅葉過誰家
休嫌此去有高岡緩步輕行自不妨半嶺亭邊容少息勿
匆前路爲誰忙
每當舉步看人情世路崎嶇嶺覺平自喜攀躋臻絕頂煙
雲護處一身輕
野花嘯鳥遍林垆半嶺雲山列畫屏今日恰逢新雨後數
峯遙接一峯青
探幽選勝我何能逢着高峯便一登石磴苔痕人跡少嶺
頭纔遇兩三僧

黔縣四志

卷十五

雜志 詩錄

三十二

曾向林巒頂上遊四圍山色一齊收幾回倚杖朝東望望
見屏陽景最幽
閒來乘興便登臨好與林泉愜素心知水仁山頻領取一
行嶺上一長吟
山環四面擁層嵐嶺上風光取次探卻喜紅塵飛不到眼
前樂趣待誰談
花香一路雨中添片片飛來屐齒黏霧撥烟飛塵不起嶺
頭佇看靄山尖
登高何憚屐巉巖嶺上繁蕪手自芟兩岸青松青不斷回
頭又見一溪杉

寄懷董園族弟

舒曜華

丰標遠隔路漫漫遙想傾心一夕歡樂水樂山憐我癖多
材多藝歎公難春光不老融蕙砌有母在秋色常延到蓼灘

門對溪流多植紅蓼

何日歸來同把臂三餘

自署名

堂畔永盤桓

四弟曜衢登科喜賦二律

舒曜華

芹香引動桂枝香

夏初兩兒入泮

累夜燈花見吉祥勤學不應言

福命成名乃可說文章雲霄看汝搏鵬翮伯仲留予作雁

二三弟俱逝

寄語兒曹功莫輟九天試聽咏霓裳

不識何人是謫仙佳音忽報曉窗前名方元凱希先哲氏

有辛陽啟後賢

入式第八名

玉樹三株原共寶

謂董園梧岡仙舟三人

黟縣四志

卷十五

雜誌詩錄

三十三

琪花四照又爭妍春來齊上長安道一路揚鑣快舉鞭

挹秀橋將圯吳君子敬慨捐萬金修葺完善築亭其

側顏曰吳翥誌不忘也落成之日余曾撰楹聯紀

盛今歲南歸復詣亭登眺時吳君已故觸景悽懷

因就聯語成詩以弔之

胡文輝

鳴吻凌虛接紫氛登臨憑檻挹高芬酒懷吸取橫江水詩

袖招來黛嶺雲飲澗渴虹眠復起翺風白鶴唳空聞却憐

吳質歸黃壤贏得行人涕泗紛

桃源洞

余翔麟

依舊白雲洞口迷秋來芳草自萋萋居人漫說衣冠古風

尚而今太不齊

潯陽臺

地別潯陽妙境開當年太白訪仙來赤魚堪釣不堪網化
盡機心始上臺

贈李子迪

彬彦

浙江俞樾

雨後峯巒秀轉加籃輿乘興至君家紅浮席上清明酒

君家

以清明日汲水釀酒紅潤可愛

綠滿甌中穀雨茶三楚烟雲供吐納

君曾作楚

游一庭花木極清華延青生白幽人室

所居室名延青生白

絕勝朱

門觸熱搥

其二

黟縣四志

卷十五

雜志 詩錄

三十四

四十年華鬢未衰謝庭珠玉好栽培且將書味從頭領會

見科名接踵來選勝最宜鄰白嶽

余齊雲之游君為主人

蜚聲定卜

滿金臺慚余秃盡江郎筆有負論文酒一杯

君子弟半從余游并擬令

隨余入都

送胡敬庵歸里

于蔭霖

名宗宋代本多賢文定如言相繼延况是紫陽同里後莫
教赤幟讓人先三綱九法誰能數雲谷滄洲自有傳當日
友朋證未發孰將言語悟真詮

古有端蒙

抑齋也

今斯大

清軒先生

知君曾及二賢門六經道在

橫渠旨分日程嚴董叔尊考据精詳加仔細身心約束驗

操存要從博約尋宗派活水源頭自有源

感君許友義偏高道義非同俠烈豪皖水衆中覘器識鄂垣來日值風濤南旋纔慰倚閭望北事方殷命駕勞不獨此情同骨肉南陽晨夕益尤叨

題胡敬庵蓮塘精舍圖

桐城 姚永樸

萬山迴合結茅茨玉黍新春可療飢莫種桃花臨水次人間漁父恐教知

抑齋程先吾所敬朱生少坡亦多聞好持胸中三千載山堂同話一窗雲

程名朝儀朱名師軾又君近深史學編課本甚勤

鱗鱗淮浦作邊城陸子謾言老太平今日春風許常在不

黟縣四志

卷十五

雜志 詩錄

三十五

妨自守短燈檠

生長兵間老太平放翁蓋謾言耳

君談河洛從戎事眉宇猶傳萬里心祇恐繞籬新竹筍未容相伴住山林

君從于次棠中丞河南練兵

憶敬庵道兄卽希正和

世與吾曹風馬牛先朝老令又何求校書事恐羞元亮賣藥人疑是伯休春饀宜將雙料酒秋風莫憶五湖舟石盂

黟山名

舊約年年負笠屐吾終與子儔

寄懷胡敬庵

桐城 姚永樸

憶昔皖江共游釣予衰未甚君方少薊門飄泊逾十年滄海桑田非所料緬君作吏河濟間膏彼苗黍鋤榛菅一朝

王綱忽解組拂衣歸卧碧陽山碧陽山深民樸鄙結茅况
在烟霞裏愧予猶踏九衢塵雲鶴惟君差可擬斗室之中
樂有餘母能偕隱兒知書閉門鎮日人來少碧蘚侵階不
肯除我初求道昧厥本見聞愈富仁愈遠祇今頭白乃知
非欲渡迷津嗟已晚年年羈旅勞如何利名眼底空華過
願君飲我上池水百卷翻窮寧足多

題淵明歸去圖贈胡敬庵

陳榮昌

敬庵先生與余同官山左時將宣告獨立余乘其
未發而先去先生宰荷澤遽值國變隣邑皆擾荷
澤獨防閑嚴密此尤能爲其難者予讀其治荷隨

黔縣四志

卷十五

雜志 詩錄

三十六

筆歎先生真良吏也半載受代荷民留之不得既
鼎革委齊河則辭委日照則辭委長山則又辭讀
其辭職書歎先生真名儒今歸過滄因爲此畫並
題詩贈之余本不善畫聊以寄意而志欽佩云
撫松新賦去來兮元亮詩應甲子題不用兒童迎竹馬百
年心事問夷齊

敬庵道兄回里口占送行

程壽保

再見滄桑後依然道氣真挽瀾應有術援溺屬何人治事
兼經義忠君更奉親杏墩好風月俯仰足怡神

李謫仙訪許宣平處

汪 浚

朝歌負薪出夜歸沽酒至棲息三十年超然忘世累

偕信山兄也陶芹香昆季過環坑候二川先生俞鼎

初不至

汪聯魁

鳥渡山中天人穿樹杪烟山橫半嶺上樹鬱山莊前且煮

銀灣水

地名水甚清

同參玉版禪芳蹤遲二妙佇望白雲巔

送黃信孚先生出宰分宜

楊焜

細雨簾纖出郡城毵毵驛柳送君程循良考績聞新政繁
劇能勝借老成攜袖詩篇千首富壓裝琴鶴一船輕相隨
不斷西江水長照冰心徹底清

桃源洞

黃存厚

黟縣四志

卷十五

雜志 詩錄

三十七

萬疊山屏作勢奔五丁鑿破石留痕桃花流水逢三月紅
樹青溪又一村別有洞天靈境闢已無秦漢古風存武陵
何處通漁父要屬陶潛託寓言

潯陽臺

翼然小閣傍雲湄不是江州景亦奇漫訪銅琶商婦蹟曾
留彩筆謫仙詩人臨秋水觀魚日客到春風啜茗時一自
名流題詠後波光山色總相宜

和信孚叔祖

黃瑞蓮

竹山溪畔水灣環雲出無心且自還不願功名爭萬里何
妨風雨閉重關宦情冷淡陶彭澤詩韻清新庾子山我亦

紅塵求解脫一場午夢自清閒

一枝斑管一篇詩相愛情多感故知爲我曾療消渴病如
公不負折肱醫無心簪組非高尚息影鄉園懶別離况是
家山風景好開尊雅愛夕陽時

堆枕殘書懶不收輕衫蒲扇自風流幾番梅雨迎初伏一
片夕陽入小樓卻病有方惟斷酒觀書無味只排愁閒來
獨立茅岡望樹擁孤亭稻滿疇

村前有茅岡又有攬秀亭

又和五言四首

堪羨生花筆續成梁父吟已無烟火氣未許俗塵侵白雪
真高調焦桐愧賞音問公近所學著作已如林

黔縣四志

卷十五

雜志 詩錄

三十八

詩筒還往復得句便相投况更同鄉里何妨共唱酬長卿
原善病平子自工愁一枕羲皇夢醒來興倍幽
好友原難得相逢在故鄉交情敦氣誼詩卷發光芒叔度
波千頃劉伶酒一觴何須隨荷插佳句入奚囊
避暑方尋計安排枕簟間焚香迎入座展畫當看山自有
蟬鳴樹原無客叩關檢將舊詩稿一一細除刪

酬胡蘊山先生

神交何必接清塵一別俄驚九度春閭巷淒涼新志士江
湖飄泊老詞人滄浪濯足欽襟抱

君有濯足萬里流圖

雲錦無痕見

性真

長於集古

多幸敝鄉留八咏家家團扇畫吟身

黃村八景 集唐句

胡文輝

來拂溪邊石 白居易 竹露滴清響 孟浩然 蜻蜓立釣竿 杜甫 白鳥

窺魚網 鄭谷 竹溪垂釣

遲客疏林下 趙嘏 楓香晚花靜 李賀 爛漫倒芳樽 杜甫 冠帶不能

整 司馬禮 楓林稱觴

苔蘚山門古 杜甫 衆木隨僧老 方干 返景入深林 王维 夕陽無限

好 李商隱 古寺夕陽

數峯相向綠 趙嘏 暇日諧相矚 杜甫 秀氣豁煩襟 杜甫 飛泉漱鳴

玉 陸機 芳亭攬秀

一從歸白社 王维 負杖閱巖耕 宋之問 農務村村急 杜甫 水旱卜

黔縣四志

卷十五

雜誌 詩錄

三十九

蛙聲 章孝標 葛社催耕

泉壑帶茅茨 錢起 崇岡擁象設 杜甫 我行隨趣深 錢起 竹路蹋碎

月 李羣玉 茅岡步月

曉日明村隴 柳宗元 雲霞生薜帷 錢起 孰能量遠近 韓愈 欣欣物

自私 杜甫 霞陽橫雲

前山景氣佳 王维 積雪遍山川 孟浩然 寒葉風搖盡 張喬 垂籐壓

樹偏 姚合 前山積雪

焦韻珊老師七旬徵詩

余良弼

人最難得享大年壽多無過昉與錢繫豈徒慶歲八千書
成著述得真詮信好見稱重文宣芳名不朽垂簡編後人

能此不其然休莫津津譽前賢沙城秀萃黃海連人文蔚
起鐘鼎鐫博士接踵瑞應躔一時明哲莫比肩幼讀父書
切鑽研揮毫染翰如湧泉宗工玩賞不忍捐爭誇學士號
青錢勺象舞後藻芹搴豈知轉盼困烽烟班超有志親戎
旃流離且著祖生鞭此身金經百鍊堅王公相需幕依蓮
兵氣旋銷息戈鋌依舊傳經研席邊元琳筆大本如椽霓
裳同詠儕衆仙干人橫掃氣無前鹿鳴宴與九秋天長材
短馭孰司權鬻宮膠序賴備員黟山幸結三生緣講解切
磋意拳拳親炙有人勘丹鉛繡罷金鍼度使穿諸生共仰
腹便便圭稜不露智珠圓燕客開樽敞華筵曼倩諧隨

黟縣四志

卷十五

雜志 詩錄

四十

轉旋興來亦如鯨汲川風流文采老逾妍卽此已足羨張
顛况早吟成詩百篇文字不乏卷軸聯精神豈偕歲月遷
以此言壽莫大焉特祝古稀祝猶偏弟子家傳是書田風
雨一廬守青氈嶺梅初開色香鮮小春令節弧高懸躋堂
稱兕敢告虔絳縣老人意纏綿飲以壽酒珍錯全酒酣歸
來展雲箋壽詩朗誦情轉牽分明是玉拋當甌不答一言
恐負愆巴人敢擬和繁絃有蔬筍氣苦難蠲殷勤奉上孝
廉船并頌南山聊相沿郊祁舞綵度翩翩孫枝更看茁蘭
荃講堂已兆集三鱸渾如泉始流涓涓將來勢成戾天鳶
弟子願參上乘禪屢披鉅製知精專迥異楊雄草太元端

由清氣得坤乾培塿敢擬百尺巔氣象崢嶸永不騫學者
得之儼山淵萬襪千秋長留傳

壽胡君篤修六十

余良弼

課罷生徒懷良友幾人得交到白首吾儕花甲俱已週可
是松栢能耐久自來在世傷蟬游生前富貴沒何有三老
五更禮獨尊洪疇福惟先以壽先生鬚髮染若霜海鶴姿
奇夙秉受人言大器必晚成磻溪釣璜譚姜叟先生年僅
值杖鄉典籍胸羅富二酉定見風雲龍虎從匪爲文字蛟
蛇走更言望雲聲諧餘汪君子宜爲繪采芝望雲圖
預卜如夫人抱子有餘慶也餘慶

定教昌厥後從此天上升石麟繫念殷勤屬望厚躋堂晉

黟縣四志

卷十五

雜誌 詩錄

四十一

祝羞雷同敢擬外孫誇壘白聊將俚語約畧陳才疏愧非
八义手不言際遇言功修有爲尤須兼有守黜華崇實古
道存詞不妄發行不苟妙術况早精歧黃良醫良相堪與
耦於世豈曰小補哉胡爲揄揚在衆口憶昔干戈飄泊年
會文輔仁切繩糾數十寒暑閱歷餘依然結契良非偶三
生緣本假於天此語先生謂然否餐飯爲勸努力加一任
雲霞變蒼狗古稀耄耄接踵登台背人皆羨黃耆我豈徒
頌九如章願與同人晉大斗

壽胡君蔭吾六十

擾攘塵寰易蹉跎少年知己鬢俱皤鬚髮依然未染白榮

衛彌覺善調和課子不暇還自課鄴架曹倉紛摻羅有時
撰就驚人句關西大漢異韓娥淋漓濡染筆超俗體裁種
種足臨摩省身格言列座右祖訓恪遵無差訛志節不隨
風氣轉必繩以禮泯偏頗興來喜飲劉伶酒酒酣每教醉
顏酡嵇康玉山縱欲倒何曾號呶側弁哦自是松柏有本
性造次顛沛守不阿若令乘時行所學定傷日下挽江河
爭奈不任爲良相徒爲良醫起沉痾心因愈下氣愈斂疆
爲善俾消風波別墅名曰拓開叔度千頃量不須仗劍斫
蛟鼉時有橫逆之投我豈是梅梅友我門對云友梅居士種杏人家居高齋晨夕
屢經過襪線斗筭慙迂拙硃硃硬石藉切磋茲值鶴齡初

黔縣四志

卷十五

雜誌 詩錄

四十二

周甲諸君獻壽興婆娑漫欲效顰枯腸索聊抒胸臆發清
歌爲語雅懷休惆悵纏身坎壈苦莫何妙術况經肱三折
栽杏與否求不苛壽世壽身權在我集枯集菀遇由佗美
酒千鐘勸君酌醉看海屋算添多

和山長王太守海陽留別原韻

余良弼

前身應是王樞官文筆縱橫九極寬吐鳳雄才推領袖登

龍多士肅衣冠壯心未已懷宗慤丰骨超羣擬瑞安

謂敬敷書

院山長黃漱蘭先生

何幸曹倉宏蘊蓄來樵貴谷餽孤寒

日記編成簷有功尋常著述漫云同川珍嶽貢梯航集烏
弋黃支繪圖工山谷何須羣米取河源又見一槎通王師

拓地按圖索邊檄都歸掌握中

五馬聯翩願再過爲扶阼隘拯蹉跎愛民課羨三年蓄愷
澤沛如千丈河辭金暮夜清羣頌懸鏡虛堂朗早磨差喜
溯洄歌白露皖山皖水隔無多

小山叢桂那能留株守青氈等契舟身暇惟尋顏子樂牆
高可許叔孫遊諸生已荷金鍼度異品應欣寶鼎收蜀郡
文翁堪媲美况多著作壽千秋

山長王太守惠詩四冊并改拙作賦呈申謝

光彩無端增帷幕天際珠玉隨風落道經山陰應接忙形
形色色紛雜錯屈宋馬班一身兼元龍豪氣透筆尖名臣

黔縣四志

卷十五

雜志 詩錄

四十三

優爲况名士壯哉大言宜炎炎邊氛蕩滌情若揭請纓願
逾終軍切更願窮搜徧地球推敲吟弄風月別坐井何幸
得奇觀胸襟頓擴眼頓寬古今人豈不相及未須誇登李
杜壇布鼓妄持過雷門鳴同瓦缶安足論土讓細流不擇
壤並蓄兼收砮砮存點石成金有奇術何曾升堂俾入室
濟時共仰棟梁材育物還培蒲柳質爲指迷津度寶筏且
煉金丹換凡骨皈依如在蓮座前聾瞶一朝資啟發蠅附
騏驎騰千里鷦鷯思憑鯤鵬起香山名傳到雞林微名能
否賈人紀白雪陽春交相儗下里巴人或可教漸源唱和
集編成願偕大集窺全豹

遵和山長王太守疊前韻遣懷四首卽獻淑配夫人

朱氏靈次

余良弼

身是仙真心宰官共憐時勢劇難寬娛情翰墨消脂粉
拔俗笄珈勝冕冠道韞大才能解議敬姜高論不耽安
蟠桃合並瑤池獻爭奈歌興薤露寒

明知橘井水無功藥味不須辨異同學到沉潛懷轉歉
修成仙佛術偏工定多詩句留千古豈必死生悟六通
遙望五雲宜下拜鸞驂或在碧霄中

歲值黃楊厄運過梅花瘦損感蹉跎麟方添度祥鍾趾
鳩詎難長匹在河此日壺儀光卷軸當年女誠切規磨料
知

黟縣四志

卷十五

雜誌 詩錄

四十四

妯娌臧奚輩爲憶仁恩灑涕多

果否紅塵不可留仙蹤逝等下灘舟迎江清梵應欣聽

停 樞

迎江寺蓬海長途胡遽游一匳雲掩妝臺冷卅載芳流彤管

收卻羨莊生盆鼓罷抒懷哀豔足千秋

和黃小瑗先生重游泮水詩

余良弼

高歌一曲勝陽春下拜深欣許望塵福澤羨君嘗耳熱科

名厄我屢眉顰鴻才難得華堂集鶴髮多於旅舍親

郡城金陵

屢聆緒論里中敘晤時少來歲龍頭專屬老兒孫競美樂相因

同人未必謬揄揚說項每教齒頰香興起揮毫追杜老酒
酣拔劍笑王郎恍疑身是神仙侶况早英蜚翰墨場此後

期頤樂何極新詩還願和行行

姚君澧珊六旬雙壽

余良弼

老人峯峇堯東皋接非遙靈氣鍾磅礴得之鶴算饒鶴算
綿延無底止壽稱必自六十始先生今適當其時壽筵宏
開觥稱兕喆嗣對舞老萊衣諸孫林立增光輝况復倡隨
樂偕老東牀頌並晉庭幃詎知先生不謂然先生貽訓守
勿遷置酒張樂胡爲者竊願一例效前賢僉言從厥志詩
是吾儕事摛辭當壽觴交情寄文字先生德業盡人知觀
縷紀載俾昭垂諸君自有生花筆不才何須贊一詞憶昔
會課蔚華軒聚首尙欣大半存白髮蕭蕭都康健先生猶

黔縣四志

卷十五

雜志 詩錄

四十五

可未老論天錫先生壽久長何以占之身康強

外六都札川清封中議大夫汪朝燾妻胡太淑人壽

百歲丙戌年學政貴給萱幃介祉四字匾額敬和

訓導宣州焦老師臺祝壽律詩奉祝

疇陳五福壽爲先璇室鍾奇豈偶然百歲親承天錫寵一
時爭羨地行仙桃源久住春都老萱草常榮福自全我亦
稱觴隨晉祝彩霞長護婺星邊

抱孫記憶夜燈紅曾擷芹香入泮宮七葉祥光推世上一
家春色駐堂中詩賡福履情詞切禮祝期頤語意工花萼
盈庭承庇蔭九重綸綍晉鸞封

祝孫錦裳邑侯母韓夫人壽詩

余良弼

蟠桃正熟敞瓊筵五色雲中集衆仙
星娥月姊齊獻瑞洪崖浮邱杯共傳
六千年頌西王母人聞介壽那得然
仰企琴堂驚朗耀光芒四射婺星照
萊衣戲舞壘簾調繞膝孫枝雛鳳肖
同僚躋堂同晉祝兕觥同稱儀同肅衆
母母壽榮若斯士庶競誇壽母福瑶池
宴會說津津壽母周甲亦芬馥况有令
德勒口碑匪特福祿咏攸宜季女徽猷
度自叶夫家雅範才尤奇孝事姑嫜百
行盡厚周妯娌三黨推浙西厄罹已丑
歲陸地幾成懷襄勢室家及溺嗟載胥
涸轍鮒魚困待濟樂善自昔重桑梓救
災慷慨傾橐囊釵環

黟縣四志

卷十五

雜志 詩錄

四十六

權典完義舉功等荒歉發敖倉鴻嗷藉拯得安集鳳綉特
頒爲表彰懿行原難覩縷書傳聞板輿戾止初畧寫高風
光彤管已覺揄揚慶有餘巾幗信饒鬚眉氣相夫勗子情
靡旣夫志應遂笑九原爲棟爲梁子已貴長君大器豈久
藏次君奉檄母先慰寬猛政儼鄭僑倣官箴恪守實母教
割雞不妨試牛刀重農工商崇學校自蒞桃源民皆喜桃
花徧種桃源裏壽母更具慈悲心願錫純嘏膺蕃祉佛前
長持蘇晉齋清華松月未足比闔邑矜式鍾郝型天教第
祿康萱庭祥衍椒聊縣瓜瓞都同絳縣享鶴齡

清封恭人張母陳太恭人百歲詩

婺源

江峯青

人是瑤池不老仙，觥稱百歲介眉筵。干春桃實千秋瑞，五色萊衣五代聯。恭人同身歷七朝看七葉，嘉慶年生算周親見七代期壽晉。期年三綱廢，後無榮典。民國請褒獎華祝詩辭已足傳。以身故未准

張老伯母陳恭人年逾百歲親見七代禮丞姪乃其外孫屬詩紀之丙辰孟冬七日 程壽保

漢世金張七葉貂，荀陳翊晉德彌超。期頤邁竿推人瑞，彰闡微權際盛朝。萬石榮雖嚴媪遜，九疇福自禹文昭。登堂展拜思曩事，小阮徵詩贊歎饒。

舒桂圃先生九旬壽詩 四首 翰林院庶吉士 徐楫

黔縣四志

卷十五

雜誌 詩錄

四十七

斑衣老萊戲皓首，慰椿萱晝錦開華屋。恩綸降帝閭，能文推喆嗣。繩武盼諸孫，並立山同壽。峻嶒小劍門，其一軼事流傳徧輿情。論不刊，困防今歲旱。袍贈故人寒，高誼郭元振。豪懷載叔鸞，風謠應採去。譜向曲中彈，其二王家稱四玉。伯子賦征軺，大漠曾磨盾。中朝再賜貂，勛名侔范鎮。骨相說班超，顧此璠璣器。掀髯樂意饒，其三消受神仙福。偏尋不老年，閑情寄圖史。餘事學鍾王，腰脚登山健。春秋逐日長期頤，臻大耋。再晉百年觴，其四

又 仿迴文體

舉人 孫學文

青山數點千巖碧，誕降天人此壽長。靈秀氣鍾知貴品，誥

封新錫慶榮光玲瓏曲奏仙盈閣爛漫輝臨客滿堂屏錦
畫添籌五百星雙朗映酒杯芳

題舒節母胡太恭人家傳詩

滿州 景廉

古稱新安好山水輪囷奇氣鍾桑梓多少鴻儒接踵生閨
閣賢媛亦蔚起卓哉舒母胡恭人巍然大節驚鬼神生長
名門秉懿訓讀書明理超凡倫并曰躬親作婦始齏鹽日
月甘如薺養志常承堂上歡相夫能爲天下士結褵未久
失所天聲聲血淚啼杜鵑海枯石爛情何極誓將身殉歸
黃泉寸心輾轉百憂集悽絕藐孤未成立含酸茹痛留殘
生天地爲愁風雨泣柏舟矢志卅載餘困無宿米厨無蔬

黔縣四志

卷十五

雜志 詩錄

四十八

牽蘿補屋仰十指旁觀動色聲欷歔彼蒼特欲顯奇節鐵
石心腸耐百折截髮留賓意慷慨畫荻教子情悲切父書
子讀繼家聲文孫頭角尤崢嶸弱冠請纓贊戎幕功高借
箸承恩榮五馬歸來輝門閥老眼頻揩看簪笏龍章烜赫
下丹墀翟芾輝煌映白髮旣富且貴壽而康閭里之瑞拜
家光苦心至竟天不負况復節操嚴冰霜君不見黃山巖
巖羅岡阜又不見漸江浩淼絕塵垢卓哉舒母胡恭人千
載與之同不朽

又

黃鈺

以鞍作几盾磨墨太守舒君氣奇特皖國秦關烽火紅身

輕年少嘉殺賊殺賊功高轉塞垣後先兩遇將軍恩頻催
帷幄紓籌策才大槃槃節母孫節母當年冰蘖苦膝下藐
孤太守父親授一經身作師壘鹽十指常撐拄孤也長成
學也成夕葵負米楚江行爲慕曾參能色養也思毛義博
時榮隻身忠孝難備全且把功名付兒輩課孫勤似課兒
時節母斯時心轉碎不道文孫蓋代稀才兼文武尹翁歸
致慶重慈振六翮顯揚從此助萊衣門施綽楔光閭黨梳
雪年高猶績紡翟菴龍章次第來含飴當日何曾想我叨
梓誼見聞親彤管揚徽肯讓人外家安定聲名舊競式母
儀拜錦茵太守卽今麾大纛戰場怕聽甘諒曲悽惻如聞

黔縣四志

卷十五

雜志 詩錄

四十九

寡鵠歌寢門回首時振觸遺逆旋看赤手擒穀貽何必滿
簾金由來臣建千秋業都是婆留一片心

又

林之望

開國需賢臣起家賴賢媛賢臣歷危苦濟變道彌尊賢媛
豈不然福蔭垂後昆珠樹自有根玉水自有源聖人敦詩
教懿訓首閨門

井臼非難持難在無米炊鸞鵠早分離黃口尙依依雖終
舅姑事撫孤良可悲雙壁竟損一一綫延宗支賢哉太恭
人母道兼父師

當窗機杼鳴憂心如絲結畫荻映寒燈字字心上血鍼黹

助熊丸書聲應未歇苦心人不知天應啟後哲
文孫舒雩伏英年爲國楨經緯運鴻才前賢畏後生旣捧
芝泥誥更表松筠貞椿庭日正永有子振家聲勉矣錫爾
類麟閣策勛名

又

崇保

秋燈課讀有遺詩兩世傳經事更奇畫荻端嚴承母教桐
音清脆出孫枝簪纓已衍當年慶綽楔猶留後日思鶴馭
雖遙鸞誥在還將珠玉勒新碑

又

蔣凝學

皖江之南黟山陽峰迴水抱精英藏坤靈富媪毓奇秀女

黟縣四志

卷十五

雜志 詩錄

五十

媵吉曜光芒芒胡太恭人讀女史十八于歸相夫子鉛華
不飾藻蘋香明星昧旦修容止可憐舉案不十年一朝飲
泣失所天古井波瀾澄不起悲歌黃鵠鳴哀絃是時弱息
遺雙璧顧影哢哢皆六尺難爲情者獨生存盈眶血淚愁
容瘠殉夫容易撫孤難舍輕取重求其安破涕和丸嚙熊
胆含酸畫荻摧心肝况復指困無宿米甌甑作障貧如洗
軋軋機聲達旦明女紅佐食甘如齋卅載水霜垂令名旁
觀太息鬼神驚甘回苦盡循環理天將菴祿酬艱貞晚香
榆景含飴樂桐蓀秀繞慈雲閣中有西園大都轉磊落光
明宏遠畧壯年投筆氣如虹深夜談兵燭影紅范老治軍

驚賊胆陳琳草檄愈頭風轉戰東南又西向樓蘭屢斬鏢
歌唱賈復終成方面勛馬周自具封侯相大府論功上剡
章薦禰有表登賢良一麾屢出典名郡名登上最侔龔黃
江東翹楚衆俛首水之河汉星之斗都轉搗謙謝未遑歛
容避席曰否否道是江蕤秉遺訓大母徽音蔭其後我聞
積德享其隆節孝之報報尤豐君不見廬陵懿行歐陽母
襲封魏國膺褒崇食福於孫或於子遲速不同其報同於
戲節母太恭人當年水雪茹苦辛崛起文孫報通籍于公
駟馬門閭新捧出金泥誥五花翟衣青質讀黃麻女官髻
髻嚴妝肅子姓繩誥繞膝譁曰福曰壽美且備坤母峯高

黔縣四志

卷十五

雜志 詩錄

五十一

輯靈瑞會看餘蔭被雲初簪纓震鑠錫爾類

胡封翁在乾先生七十大慶

汪馨

黔山亘百里淑氣所鍾毓鬱鬱瞻杏墩耆耆生使獨歧疑
若成人奮志苦誦讀克家紹箕裘馬當賈遠服至樂方融
融伯子倏賦鵬隱切脊鴿感哢哢有遺腹內外屹摺拄至
性篤家族飲食復教誨深情視顧覆南田與抑齋鄉里挂
名宿興國萬徵君矯矯學崇樸猶子並從游三年不至穀
明詔擢作宰循良稱民牧恩義溯厥初端賴賢仲叔義方
尤夔絕有予揚芬郁周折中規矩白圭勤三復人師古難
求禮羅主家塾翼之真先生私情慰舐犢家學自有源諸

生得私淑桑梓致敬恭翊翊誠以掬陽春時氣和蘭芳桂
亦馥大年慶古稀箕疇肇五福媿我未登堂舉觴遙晉祝

又

朱師轍少瀆

久聞厚德重人倫原仲和柔善養親廢棄詩書遭世亂經
營貨殖爲家貧感懷友愛遺孤字處事公平古訓遵矍鑠
足徵仁者壽梅筵芳醕慶陽春

勤儉家風未敢忘標題繼述榜華堂疏星輕策踰桃嶺落
日孤帆指馬當市隱鄉居欽獨行童顏鶴髮驗康強耆年
喜覩芝蘭秀珠璧聯輝競奉觴

題胡徵君壽母圖

并序

許承堯

黔縣四志

卷十五

雜誌 詩錄

五十二

戊申之春過皖同郡胡敬庵徵君出壽母圖見示
屬承堯爲之詞承堯伏思士夫純行大業自孝友
始徵君績學博洽長於治經兼富兵畧名動公卿
間薦辟交至而夷然盎然無所增益蓋己能斂其
所得於身心之間爲內行純備之士覃其教澤繩
武後進其俾於今日之學風至無量也又聞教育
家言首重蒙養古俊民得力母教者居多今觀長
洲朱君所陳節母事畧執誼循禮樹躬莊儉以率
厥子數十年如一日於前史所稱懿行完德龐然
無忤容乃知徵君學之成因節母有以導之源而

翼之使達茲域也嗚呼勞瘁淡泊守以莊敬恒久
不變此人情所難吾徽地瘠生計儉百不如沃土
猶幸先民禮俗濡漬至深義行未墮今復得節母
張之殆誠所謂閨門之師其敦化之實效比於鄉
先正者矣乃敬爲詞曰

黟之山端以嚴黟之水清以廉明月皎皎窺鏡匳將蓼作
飴云我炊迺植魁士非詹詹博匯六籍旁弋鈴粹行備矣
教德漸行歸奉觴歡里閩竹慈花笑迎安檐我張以文發
幽潛熊熊悠久光難潛

敬庵胡徵君令堂孫孺人六旬帨辰

襄平

趙爾巽

黟縣四志

卷十五

雜誌 詩錄

五十三

萬山深處養堂開上有懷清壽母臺黃鵠棲庭傳古調青
鸞銜詔出中台經師世誦紗帷業義訓人欽幕府才我望
闔門遲遠道藝蘭珍重寄南陔
矍鑠耆齡歲月紆承歡能效鯉庭趨表閭母號丈夫女鷹
薦兒稱君子儒省議隔屏窺客座額煩剡薦佐賓厨躋堂
乞得丹青手試繪西池益壽圖

送胡敬庵徵君歸省并祝其母壽

姚永概

水雪窮山四十年天留苦節世間傳當年襁褓今人傑己
有諸侯薦上賢

孔孟皆是無父兒楊園母訓耐人思不妨只向杏墩老會

見寒風獨立時

六月言歸壽北堂愧無奇藻播芬芳小詩不作尋常語期許千秋意自長

林歷山懷古

程錫光

寨下屯營壘山前掃陣雲萬人齊解甲一戰樹奇勳昨夜風雷起還疑鼓角殷摩挲銅箭鏃下拜賀將軍

屏山十景十首

舒斯笏

予族先輩時亨先生於道光間續修族譜內載屏山十景之題咏詩六首並云餘四題俟族之能詩者為補其闕予以先輩之意良佳故分咏而足成

黔縣四志

卷十五

雜志 詩錄

五十四

之所咏十詩境界非身親者不能知且其中皆有我在謂為寫景詩可也謂為書懷詩亦可也

屏風擁翠

北望峩峩上接天屏風展處舍靈仙

班固武帝內傳貴崑崙以舍靈仙

玲

瓏悟透三茅道縹緲祥凝萬井煙無事來吟張錦句有文不乞買山錢先疇舊德相依倚里號長甯豈偶然

舒村長甯里在

山麓之南

吉陽曉日

跌蕩天門曉即開羲和搢笏御輪來

山勢端巖如笏

桑多益信榆

應種竹好咸云杏可栽

山腰竹林甚茂

紫氣氤氳函谷口紅雲燦

爛吉山頭蓬萊欲赴羣仙會且待三姑採藥回山之上首即三姑山

三峯聳秀一名三姑尖

太華峯高孰與京三姑玉立足齊名池中化鯉騰雲去山頭

有池相傳三姑同浴於此化鯉仙去林下驂鸞帶月行未嫁何來夫可望修

仙更度父長生父駿公後亦得道衡門啟處時憑眺予家與峯恰對朶朶

芙蓉對面呈

吉水流波

吉陽水是在山泉不走風塵混世緣自在游行機潑潑如

斯晝夜澤綿綿舒族丁盛皆水之澤三山並峙時開鏡一勺雖微好

溉田遙指屏風懸出處清流有約會村邊屏山之水與吉水至村而合

黟縣四志

卷十五

雜志 詩錄

五十五

石洞春雲

逃名何處最相宜洞裏桃源任所之北望千家村錯落東

行廿里境幽奇洞在吉陽山上西距桃源洞二十里飛泉掛戶珠穿幔怪石

當門玉作帷此地難容塵世客祇容一榻一軍持

梅林香雪

林在吉陽山麓先祖董園公墓在焉詩寫斯景兼紀墓之形勝

後帳前城幕府開將軍旗鼓獨登臺左紫右抱氣嚴肅中權石虎

蹲蹲伏左佩金魚簇簇來左水倒右形家名爲長生水萬馬容堂遵約

束明堂宏敞一舟出水尚潑洄有地如鼓當水之衝孔黎阮竹芳馨遠山多

竹兼有梨樹多是先人手自栽

八橋觀穫

八座橋梁一日成

明族祖志道公獨建八座橋同日而行落成之禮

豈徒利涉使人

行虹霓普駕通溝洫烏鵲平填看耨耕野布黃雲千戶喜

時當白露萬箱盈長甯里內長豐社

舒村社名長豐

肇錫原非浪

得名

比戶書聲

遙遙世族縣之東遷自廬江祖德隆學愛三餘童僕化

予家

祖宅名三餘堂

讀窮萬卷鬼神通埋頭孟晉花園畔

舒村土名花園畔

掛

角徐行稼圃中比戶絃歌聲四徹題詩更有玉屏風

丹臺夜火

軒皇鍊鼎幾千春餘火猶傳不盡薪姊妹談經星照字

與臺

黟縣四志

卷十五

雜誌詩錄

五十六

三姑山最近

嫦娥竊藥月防人一拳石在留遺蹟

臺係一方石

九

轉爐開證夙因心地光明丹可得昌黎白玉味津津

韓詩我以

指撮白玉丹

蓮塘玩月

峯頭月上正黃昏閑步蓮塘又一村

地距舒村一里而強

靜夜高春

喧水碓

地有水碓

清流倒影映山門文昌自昔傳奎閣

昔有文昌閣在

其北武廟當前託聖恩

地與舒村水口之關帝廟遙對

好竹猗猗蕭爽甚碧

筒製就且開樽

黟山竹枝詞

王元瑞

煙霞一抹總相侵笑住桃源洞裏深我記青蓮詩句好落

花流水助清吟

少小離家動別愁杭州約伴又蘇州妾心難逐郎心去折柳年年到白頭

青青百里好家山畫出潯陽第一關臺上白雲臺下水坐看雲水慮全刪

郭門城外午風斜好逐名流問酒家醉飲狂歌何處去碧陽書院看梅花

人喧上市邀相看廟記將軍寺廣安廿八佳期三月節簑衣合買釣魚竿

兒童成陣打毬忙八月中秋鬧戲場誰是東門誰是郭斬

黟縣四志

卷十五

雜志 詩錄

五十七

新爭比綠衣裳

靈虛觀戶散零星百選青錢兌一丁晰字編圖儂怕認讀書翻想試朝廷

記遊林歷雨淒淒似亂軍聲赴賀齊劍鏃深埋餘陣氣垂珠洞口暮雲迷

古築天封合穴墳江村墓表伯升勲女全貞死男全義一樣千秋著史文

進士銘鐘李氏存汪樞密府十三門兒童也識科名重送學紅旂寫狀元

粉榆社後見朱舒菩薩慈悲便咒猪斛打春正饅首大一

村父老拜三姑

南湖一水浸玻璃十里鐘聲柳外隄絕妙樓臺西遞起月
光梅影畫東溪

上田開水下田沾作苦農家日正炎試驗雨晴分兩處石
孟峯頂靄山尖

山後山前畏虎狼苞蘆終夜守鳴榔完租更比催租急怕
煞追呼婦女行

石墨嶺竹枝詞

余良弼

新安墨妙製尤殊香入毫端細細濡底事天上靈秀毓更
將妙墨產名區

黔縣四志

卷十五

雜志 詩錄

五十八

山腰流水一灣圍當作硯池筆可揮果否行人磨不盡染
成濃淡暮煙霏

入春花發杜鵑紅應是徐熙點綴工松使美名終不改文
人相賞古今同

山前山後植松篁亦有田疇插綠秧不是桃花流出洞那
知此處墨研香

名勝宜邀名士賞好山時得好音聞莫矜翰苑香生硯僻
壤流傳也自芬

黔山山僻產茶多此地茶佳語匪訛若學盧仝啜七碗定
誇味美勝松蘿

芝蔴四野種莖莖嘉種分明黑白呈怪抵黑能徹表裡應
爲石上墨塗成

儂家生長此山中臺峙潯陽一徑通欲往漁亭坐箴去不
須帆挂遇鴻風

題節壽胡余氏七古

卽胡開祿之妻

胡存慶

黟山峇嶺石嶄絕黟水漣沔清且澈蒼松翠柏節峻嶒孤
根亭亭耐霜雪坤靈孕育此貞標輪囷盤錯堅如鐵入門
相夫戒雞鳴鴻按眉齊相對列忽然天上下玉棺一曲鸞
離與鵠別長空雁飛孤杜宇春啼血誓欲死殉夫愁腸寸
寸裂下有兒黃口上有姑白髮恃我未亡人殷勤費提挈

黟縣四志

卷十五

雜志 詩錄

五十九

望夫石上魂悲淒靡笄山頭風冷冽辛苦啣泥燕將雛食
甘粗糲衣百結負郭曾無十畝田苜蓿猶爲諸兒設迴憶
篝燈課讀時淒涼機上三更月大兒英發腹便便樹蘭不
芳早夭折小兒胸有益智珠白手興業人中傑桐枝秀挺
玉琅玕鳳雛產出甯馨說茹苦含辛年復年桑榆晚景多
愉悅橄欖久嚼始回甘蔗漿佳處須倒齧柏舟矢志古所
欽金石彩斂幽光發輶軒使者採民風綉綸一朝降魏闕
北堂萱草自生輝彤管徽揚闡芳烈於戲五福首壽德次
之富康考壽相連綴女人一身賢德全天教頤養登大耋
君不見巴蜀寡婦清臺築懷清擅丹穴又不見易簡之母

薛氏賢教成令器光闕閱

戊午偕葉子毅齋登淋瀝山

胡存慶

生年四旬九匏落嗟衰朽我聞淋瀝山
截業聳南北垂珠洞裡雨如膏象鼻巖前石似狗
羊腸曲折一徑通山鳥迎人春雨後竹樹參差綠蔽天
雞鳴谷底寺含烟躑躅山門日當午頽垣一角列眼前
長老引我寺後游晴光照耀纖雲浮懸崖壁立高百仞
千萬氣象一齊收自覺置身高渾忘天地小道可悟鳶
魚禪能叅花鳥斟罷酒一杯耳畔松濤吼山風吹我寒
歸來偕良友爲憶三國吳時賀將軍折鏃埋沙苔花厚
茫茫宇宙一枰棋蓋世英雄今在否

黔縣四志

卷十五

雜誌 詩錄

六十

祝姚君澧珊兄七旬雙壽二首

程壽保

記把離觴十七年浪遊湘水又遼煙遙聞並健拋鳩杖
莫伴同儕醉綺筵有子克家通宦學良朋聚首樂林泉
書來寬譬真堪感鼓缶慙難比昔賢

古稀屈指慶筵開介壽詩成不待催餘事居陶饒至樂偏
隅正筴見奇才陪都監稅懷桑梓轄境豐年闢草萊
靄靄停雲翹首望郵箋遑俟折寒梅

又

金邦平

憶別高齋忽二年榴花如火柳如煙天中斗柄輝南極
檻外山光照壽筵頭角崢嶸丹桂茂精神矍鑠赤松堅
古稀

舉案傳家慶經濟文章啟後賢

酒熟菖蒲祝宴開流觴和句一時催長拋鳩杖封翁健早
列鴈班諸子才同里推稱絳縣老他年看舞彩衣萊林泉
清趣誰能領試誦新詩瘦似梅

又

汪馨

記別家山又有年枌榆舊社隔雲煙徒勞宦轍長安道遙
祝華堂分壽筵小試鹽梅人樂利老耽林壑志彌堅故鄉
雀鼠交相化和靄端推處世賢

正喜齊眉八袞開詩成何用鉢相催獨肩勞怨常行義不
藉科名始展才相敬如賓榮翟莠顯揚有子住蓬萊遙知

黔縣四志

卷十五

雜志 詩錄

六十一

一曲長生奏應答江城五月梅

又

舒斯笏

一別芝顏倏數年宦游如夢復如煙思將邊事咨奇策敢
詡新詩佐壽筵我愧勞薪多杞慮公眞老節比松堅朝端
袞袞曾知否膠鬲原爲治世賢

芝蕊蘭蓀取次開天然福澤豈須催南閩盛感元方德北
冀爭傳小宋才鎮日優遊甘草莽望風懷想詠臺萊欽公
勁節歌公壽合譜江城笛裏梅

又

程桂芳

金公木母古稀年瑞氣盈庭煥彩煙二老齊眉同舉案諸

孫繞膝侍華筵機雲宦學蜚時譽軾轍文章繼老泉更有
良朋隨杖履香山洛社比前賢

攜詞媵爵博顏開介壽詞詩不待催新息精神汾老福君
房言語仲連才名高北斗傾桑梓頌進南山詠有萊曲和
陽春鍾撞莛遙憑驛使寄江梅

又

汪灃

惟有仁人享大年瑤章祝嘏蔚雲煙新詩已自盈華屋俚
句何堪貢綺筵鄉望素孚欽泰斗清操足式見貞堅古稀
雙壽眞爲福蘭桂齊芳各象賢

星輝南極壽筵開折得榴花把酒催不計毀譽超俗士惟

黔縣四志

卷十五

雜志 詩錄

六十二

培蘭玉盡英才齊眉梁孟希先哲繞膝兒孫繼老萊慚愧
客中無所有瓣香遙寄一枝梅

又

孫熙鼎

京華浪迹四經年回首桃源渺若煙介壽有詩催擊鉢餞
春無日不開筵故鄉望重推姚合作頌才疏愧孟堅案滿
琴書樽滿酒好將觴詠傲前賢

豔豔紅榴映日開賓筵羯鼓莫須催龍舟奪綵逢佳節雀
屋平爭記辨才玉樹雙枝分杞梓霓裳三疊奏蓬萊俚言
聊效南飛曲不用江城賦落梅

步程君恭甫原韵肅謝

姚國儀

癡頑正愧享高年琅簡遙頒玉化煙雅調有如聞古瑟新

章綽勝賜華筵無才我合時長屏奮志君眞老更堅

泉字韻因

家諱僭易堅字分得間情事吟咏文章經濟孰能賢

披吟幾度笑顏開蕪東直當擊鉢催最喜揚鞭極遠塞未
忘屈指到頑才乃翁矍鑠騰鞍馬有子聯翩起草萊寄語
眉山三父子起家百里也調梅

黟山采茶竹枝詞十首

舒斯笏

我黟田少獨山多确土宜茶理不磨好是春光三月半村
村聽唱采茶歌

人言采製殊非易儂道栽培更覺難醞釀全憑天氣好最

黟縣四志

卷十五

雜志 詩錄

六十三

宜溫暖不宜寒

雲霧原來最有名自由自在自生成天工縱比人工省尋
覓艱難講不清

第一名茶數七都蘭心蕙質四鄉無賣時須漲三分價尙
道便宜不易沽

七都又讓艾坑強谷口岩頭處處良山雨來時行不得泥
塗累煞采茶娘

姑嫂偕行去采茶旗槍對對選新芽多情阿嫂將姑囑休
損枝頭並蒂花

採摘尤宜穀雨前逾時香味欠新鮮筠籃已滿儂家去道

是收成勝舊年

去歲茶商得利豐今年山價定然昂阿儂欲製釵頭鳳都
在春風一葉中

儂家夫婿估潯陽信報頭茶已放洋急急忙忙緣底事山
園又有子茶香

子茶不及頭茶好晚價仍如早價多采罷回家忙製賣要
防市面起風波

姚中憲澧珊世伯暨德配金太恭人八旬壽詩

休寧程家煒

黟山之巔雲捲舒黟山之陽翁所居主持鹺業五十載勤

黟縣四志

卷十五

雜志 詩錄

六十四

慎幹練人爭譽我憶少時師楊氏同門得偕翁仲子斯時
卽耳翁盛名嶽嶽高山曾仰止近來有客過松蘿道翁白
髮今皤皤白頭德配同八秩槐桂繞屋爭婆娑古言大德
壽可必翁之善心世少匹輿梁坦蕩澤長留女學宏開儀
足式花燭重諧重泮遊羸來佳話徧徽州康強况復如年
少紅箋燈下書蠅頭曉移菖蒲暨松柏弗讓陶公日運甓
壽母如翁健復康花鍼夜繡親刀尺雪鬢朱顏陸地仙郊
祁舞綵畫堂前榴花照眼驕紅錦芝曲穿雲喧綠天側聞
斯語神飛越如山不崩海不竭會當親捧介眉觴高唱紉
縵卿雲歌並懸光華雙日月

又

程元鑾

木公金母降紅塵偶到人間現此身
曼倩風流原爛熳巨源品藻老精神
蒲花益壽徵祥瑞艾酒稱觴屆吉辰
羨有齊眉賢孟婦期頤其享祝千春

文星剛次壽星垣晉頌岡陵酒一樽
無福未能依馬帳有情還許立程門

與大喆嗣筱珊硯兄同受業於環溪書屋幸得晉謁登堂

筵開西序洵

娛樂彩絢東階慶衍蕃我也趨庭同介祉
泰山北斗望同尊

又

江汝祥

與君交好本通家今日雙星醉紫霞
獻祝自慚無彩筆賦

黔縣四志

卷十五

雜誌 詩錄

六十五

詩敢說可籠紗長君風雨同窗久
仲子文章雋譽誇笑把蒲觴歌耄耋
滿園松柏勝繁華

僕慚甲子已週過自笑無聊兩鬢皤
屢荷耆英青眼愛喜聞商皓白頭歌
滿庭蘭桂看千葉半世漁鹽守一科
上壽期頤神未老兕觥再進祝三多

又

葉自松

忽捧雲箋徵壽詞知公雙桂並英姿
宗風不減桐城派耆宿齊推洛社師
冢嗣韶齡同采藻次君壯歲記聯詩

筱珊兄同

案入洋百純兄同學碧陽

而今雲散風流後白髮皤皤兩鬢垂

昔年慈母壽筵開亦喜迎賓更舉杯
舞綵君今賡耄耋寒

羶我獨坐林隈添詩晉祝乘龍羨令婿金緝甫副貢酣戰

名場附驥陪百純與予同考優安慶省牖下書生迂腐久愧無佳句報

瓊瑰

又

胡士煥

光騰南極照城隈八十詩翁笑口開白髮對憑青玉案斑
衣盡是碧雲才菖蒲有節心偏愛松柏長春手自栽如此
高年如此福神仙何必住蓬萊

又

胡瀚年

孤悅雙懸畫錦堂欣逢榴豔與蒲香徧看新蔭成桃李羸
得隆名播梓桑鹽筴經營策久山林歲月種松長歡娛

黟縣四志

卷十五

雜誌 詩錄

六十六

晚景惟賢嗣棣萼聯輝遂顯揚

又

余偉

徵詩箋到士林傳介壽爭陳錦繡篇堂北萱花香徹地庭
前椿樹綠參天儒宗一代欽韓愈卓識千秋佩魯連不似
世人徒擾攘鹿川雙隱傲神仙

清福同娛八十春齊眉喜是白頭人樽開北海忘賓主膳
潔南陔雜鳳麟調劑鹽梅歸鼎鼐平章花木入陶鈞蓬瀛
覓得長生錄萬劫常存不壞身

又

歐陽國瑜

黟山高矗皖之南漢柏秦松天地參間氣生公教大壽齊

眉開秩慶多男耆英會儼靈光殿祝嘏詩編老學庵四志
纂修今起點好將人瑞寫雲藍
白頭夫婦說鴻光簇簇萊衣舞一堂難得紀年符渭叟如
斯偕老媿汾陽冰清玉潤傳榮譽珠樹琪花衍福祥四十
餘人偕稱兕樂章先譜滿庭芳

泮水重游已有年先生合稱地行仙鯉庭兩美標文采鴻
按雙脩結福緣小隱桃源娛至樂閒開花徑證真詮昌陽
節健康難老長駐人間歲月懸

五十年來漁水濱魯連風義軼羣倫商場皖浙多知己學
界道咸有數人杯酒論文饒興趣篝燈作字驗精神伯恭

黔縣四志

卷十五

雜誌 詩錄

六十七

九十聰強甚我祝先生步後塵

又 集唐人句

黃汝恭

雲母斜開翡翠帷碧梧棲老鳳凰枝笙歌日暮能留客陳
實人傳有好兒

古槐高柳夏陰清地近鄉園自有情欲識蓬萊今便是何
如此處學長生

中天月色好誰看北斗橫天夜欲闌更憶雙峯最高頂玉
山高並兩峯寒

小隱西亭爲客開庭前樹盡手中栽松間明月長如此願
上南山壽一杯

又 四言體

阜陽

朱清華

年華百六極
婺同光孫曾繞膝
子女盈堂且賢且俊
以炳
以煌箕裘百世規矩
一方厚德載福既壽而昌
千里遙祝
山高水長

又 四言體

休甯

夏慎大

黟山之陽是惟舊邦
篤生英傑源遠流長
一 繫維姚氏
大啟爾宇曆世十九
纘承令緒 其二 勤學惜陰
兵亂侵尋
武林就賈遂遇知音 其三
沈師吳館冰窗雪案
芹香高擷
為多士冠 其四
馬融設帳董生下帷
循循善誘經師人師
其五 改就離業如劍出匣
二汪一胡志同道洽 其六
日居

黟縣四志

卷十五

雜志 詩錄

六十八

月諸酌盈劑虛民力以裕國課以儲 其七 振孤惠寡解紛
排難凡茲懿行名重里閭 其八 琴書足樂花木自娛左圖
右史與古為徒 其九 賢哉內助壺儀足式相夫課子以輔
以翼 其十 學富五車崇儉黜華餘閒刺繡老眼無花 其十
惟茲淑範遂啟女塾教澤流傳便便邊腹 其十一 並頭鬢鑠
繞膝雲仍衢歌巷祝上壽同登 其十二 再入泮宮重諧花燭
霓裳羽衣為譜新曲 其十三 陳蕃下榻王粲登樓前塵具在
歲月如流 其十四 太歲在酉為此春酒介壽稱觴公許我否
其十五

其十六

碧山八景二十二首

汪 浚

淵如

瞳矐曉日麗烟霄吹到黃陂景倍饒翠栢蒼松來碧岳高
門甲第自南朝

新正女伴預商量明日齊過土地堂膜拜神前求利市人
間个个盡濃粧

元宵好景冠三春燈火魚龍百戲陳人字街前聲擾攘往
來細步踏紅塵

雲鬢朝整鬢邊鴉鬥草尋芳豔共誇怪底香風潛入戶街
頭嬉喚賣蘭花

雙溪橋畔春綠波半畝園中春樹紅日暖踏青歌柳陌衣
香細釀杏花風

黔縣四志

卷十五

雜志 詩錄

六十九

繡罷弓鞋曙色開桃紅柳綠徧亭臺培雲園後飛雲館姊
妹相逢一笑來

染衣柳好春藏汁及第花開爛若霞儂是狀元基畔住不
知誰是狀元家

小雨初晴過客稀尋春先自製春衣阿儂拾翠梧園外一
路花香粉蝶飛

石規流紅水色鮮堅尋有約自年年小姑未解先春意也
效儂家飾翠鈿

遺經堂畔是儂家四面軒窗護絳紗姊妹新來休問路當
門一樹玉蘭花

大市亭前二月時香塵一路蝶紛隨
清明尤覺芬芳好爭奈無人掛酒旂

翡翠文鴛時對舞流鶯語燕各分飛
新亭好景花如錦常見香車緩緩歸

冰壺塘裡波如鏡柏樹園邊花映窗
波蓋鴛鴦花引蝶載飛載止總成雙

相府基前德裕堂牡丹花好冠吾鄉
文心願與花爭發下筆枝枝有色香

雲門一塔入雲天女伴來游劇可憐
拾級憑登弱無力嫋婷扶徧小環肩

黔縣四志

卷十五

雜志 詩錄

七十

打麥聲裏菜花風塔問青姑曲徑通
爭怪兒童齊拍手紙鳶飛上畫樓東

魚兒躍處春藏拙燕子來時笋又香
有水有山邱壑好尋詩閒過綠雲莊

水榭風亭景物華風時烟月昔曾誇
而今野草閑花徧誰識當年學士家

春光好景三月三簫管迎神路共諳
堪羨先春門外路一叢珠翠過花南

牛頭墩下往來多四面雲山一望過
信步回經山背嶺聲聲好聽採茶歌

村東漳水往東流
傍水人間盡畫樓
若是春來能蕩漿
挂帆安穩到杭州

碧山勝地足徘徊
多少詞人踏屐來
流水桃花詩句好不
知誰是謫仙才

題孫母潘恭人遺像

胡元斌

清門世胄溯安仁
遺像莊嚴迥出塵
懽侍翁姑陳棗栗
禮偕娣姒肅綦巾
臨書畫荻箴規切
扶杖含飴笑話親
鍾郝儀型垂梓里
忝居葦末頌麟振

淋瀝登高

胡元鑑

令節重陽好邀朋
勝境遊山高庵自古
路仄徑彌幽老衲

黔縣四志

卷十五

雜志 詩錄

七十一

談禪悅雛僧喜客留
爲言歸緩緩風雨不須愁

題胡一貞拜石軒

黃啟蓉

頹然太古姿何年
落人世應是補天餘
一夕來天際三絕
畫詩書一拳透縐
瘦在昔米襄陽肅
拜整衣履一貞淡
蕩人介性天所賦
脫略利與名摩挲
朝復暮作記記所
寄雅人有深致何
日到君家一笑同
把臂

汪蘭庭世兄五十初度

四首錄二

程夢餘

先生本是葛天民
山水優游自在身
未種河陽花滿院
曾

輸子敬穀盈囷

庚子年歲荒君捐穀平糶

全家勸樂無憂患
先德經營

費苦辛更普仁
風扇黎庶鄉鄰
展布已回春

攜辭我本愧無文堪等慚顏借酒醺此日益增陶子術當年曾采魯侯芹階墀丹桂三珠秀場圃嘉禾四體勤秉筆待公開六秩闕宮獻頌意何如

姚養泉先生七旬華誕

程鴻詔

羣紀論交憶昔年鄉兵同筦閱烽煙家山亂後仍朋酒人海歸來恰壽筵八袞又增新歲月一官偏愛舊林泉齊眉繞膝真全福况是雙丁是七賢
詩編戊午壽尊開彈指光陰十載催先德名登循吏傳及門人有濟時才卽論腰脚逾吾輩定見曾元戲老萊走筆吟成剛瑞雪提壺相約醉尋梅

黔縣四志

卷十五

雜誌 詩錄

七十二

又

汪 鶚

養和自是樂長年泉石懽愉豈偶然老馬據鞍真鬢鑠伯鸞舉案卽神仙大江漸喜昇平日人表羣欽敞綺筵七葉祥凝資醞釀十分綵戲舞踰躑
榮軒門第承先閥壽世文章啟後賢恭擬趨風齊下拜吟成瑞雪快裝綿律吹葭琯調絲竹詩頌臺萊紀偃佺奉杖追隨陪鯉對祝君奚事羨彭錢

姚養泉太世丈林歷望雲海圖

程壽保

先子題詩十九年載瞻遺墨落雲煙歸存賦仰靈光殿抑戒篇欽衛武筵

曩陪文謙見太世丈不多舉爵

證道廣桑空泛海從游林

歷記聽泉披圖鄉徑高山在一樣五噫鸞曜賢

圖中諱字忍重開何怙情同歲序催附驥可堪慚嗣響續
貂迺復乏通才白雲蒼狗變朝夕瀚海丹虬卧草萊太息

前型誰得似九方相馬好吟梅

前此過從
頗承青睞

壽萼樓世伯七旬二首

吳國琛

不識荊州面惟聞德在躬拯災蘇涸鮒施粥救嗷鴻里沐
仁慈雨家傳孝友風問君何所事樂善濟人功

歲月山林駐籌添七秩長門臨修禊客采戲老萊堂桃李
春開豔醪酒釀香裁詩慚我拙願上九如章

寓黟廣安寺全諸友登千佛樓

浮梁 金達

黟縣四志

卷十五

雜誌 詩錄

七十三

三日予宿地多年僧占山樓酣千佛睡丹問幾人還磬豈
無心擊琴因失意閒秋風鳴策馬好鳥聽關關

漁亭遇詹竹崖瑯亭候迎林太尹 前人

姓名通馬首契好結漁亭花縣得賢宰竹林無污名莫言
苦迎候且喜共居停明發知殊路沽漿醉月明

過漁亭有感 前人

三月攜書出帝城遲遲今喜到漁亭清宵不用關蓬睡白
晝何須帶劍行酒試一盃家味近詩慳百首擔頭輕白頭
相見知明日望慰門迎色笑生

過漁亭卽事 前人

回首迢迢隔帶城春風吹淚灑郵亭賦繁孰進捕蛇說法
重徒聞畏虎行江北江南民物悴山前山後虜防輕積薪
厝火難安寢慟哭陳疏憶賈生

贈胡敬庵徵君

潘 陞

敬庵先生篤行君子也德行政事允作人師賦詩
一章用志欽仰尋常酬應云乎哉

課士臨民豹一斑平生孺慕繫慈顏知名當日程文海大
隱今朝謝疊山不放文章淪世變要留忠孝在人間奚奴
付與詩筒往乞借青齋治譜還

輓葉君少泉姻

黃啟蓉

黟縣四志

卷十五

雜志 詩錄

七十四

之子南屏秀時流孰並肩艱難遭世變憂患促天年遠志
空千里窮途困一屢招魂悲楚些老淚落風前

題何御六小照

盧 琪

誼重通家好欣瞻父執容吳門留勝概雲海覽奇峯書究
青烏奧榮膺紫誥封古稀今有二行健不扶筇

題何祝三小照

盧 琪

汝陰少卿性仁厚天特賜榮九十九累葉子孫繼不窮俱
縮銅章與墨綬今據此圖乃見君知君卽是少卿後和氣
謙光世所欽與人交敬而能久他時競爽有二難君爲太
邱君知否

又

與君一別幾何年今日逢君興復然領畧滄江風月好載
歸書畫米家船

春日游桃源洞

胡騰聲 達文

我從墨嶺來紆迴經棧閣茅屋兩三間臨流得所託勝境
疑隔凡春雲籠漠漠綠水窗外流游魚可知樂當午擁山
光更看野鳥度草木亦精神對景酒堪酌乘興一登樓嘯
聲徹巖壑仙人久不歸桃花時開落

春日尋樵貴谷

胡騰聲

天下名山知幾許新安奇秀總堪舉曾聞貴谷爲黟山中

黟縣四志

卷十五

雜誌 詩錄

七十五

有神仙雜居處布襪青鞋一杖藜踏春徐步入花蹊春風
拂面春雲捲處處山頭春鳥嘯沿山一帶盡茅屋道是此
間名貴谷往來多半負樵人沽酒西歸叱黃犢青山對岸
石爲門絕巘雲迷鳥道昏客子依雲行木杪人煙隨霧出
山村一杯長醉呼難醒太白樓荒卧山頂見說未逢許宣
平潯陽終日橫漁艇我來尋罷日方斜歸路茫茫帶晚霞
意想結廬此中住春風日日飛桃花

秋雪 并序

胡騰達 肅儀

光緒乙未歲季秋十六日雪同人以詩紀之抗音
結響半屬少陵感事之吟命旨抽詞大近明遠哀

時之作蔑以加矣詎不謂然然竊案淮南子云至
秋三月青女乃出以降霜雪則是雪也固不得與
梅榮李實同入春秋災異例矣敢抒咫聞率成一
絕

菊黃時節試登樓爭訝瓊花眩兩眸解識三秋青女出何
妨冷雪助吟謳

和石知事璞小桃源吏館雜詠十首

有序

胡紹書

曉瀾石大父臺早歲通經強年筮仕牛刀初試作
仙吏於桃源驥足同羈著才猷於花縣雖蒞任未

黔縣四志

卷十五

雜志 詩錄

七十六

周一載而歌功已徧羣黎退食餘閒偶題雅詠率
酬拙作竊比蛩吟愧無郢中之詞聊效邯鄲之步
居人同住小桃源耕作相安犢鼻褌不識何年來絕境熙
熙猶有古風存

吏隱從教詩興適盤桓佳木詠清秋堂前古柏長留蔭黛
色參天似翠虬

翛然本地好風光蕉葉如雲竹拂牆料得心勞動撫字但
教敦俗重農桑

每因判牘化澆風雀鼠爭鷹泯怨叢自古文章關吏治愛
民尤具有深衷

不羨河陽滿縣花青葱留得百株檉衙齋莫辨春光老及
早呼僮採嫩芽

良方濟世比千金案牘餘閒究五禽漢華陀精醫
著有五禽經活國活

人胥博愛陸宣而後有知音

素食常慚三百未分科治事簿書多襄勤曾記遊蓮幕回

首前塵歲月跚民國初年閩權二公宰吾邑時
僕曾襄辦學務居住館中二年

漫云斗大是山城化洽鳴琴樂自生久駐此中忘甲子聊

將邱壑寄閒情

橫江水碧似拖裙章岳鍾靈高插雲縣治西北有章山後
擁東南有橫江水貫

之四境桑麻安謐久吾儕惟有勵精勤

黟縣四志

卷十五

雜誌 詩錄

七十七

政簡刑清仰令名訟庭花落自怡情曲高白雪知難和俚
句應慚冰鑑明

梅園遣興 有序

潘 陞

黟之爲治城城而郭山或曰黟山自然城城贅也
縣署據山麓隨麓之勢而西割其餘繚以垣垣西
內侯主簿墩擅坡坨之勝相傳禁人攀止好事者
之言歟自嘉慶辛未吳令甸華經營開始植梅數
十百株爲築春雨山房鋤月亭梅園之名以著海
田變換前賢所締造徒得髣髴於斷碣殘碑同治
初元粵亂大定謝令永泰卽山房而新之補梅復

舊觀亭乃夷爲平臺說者謂亭亦屢修屢圯也辛酉秋忝爲梅園主時則叢草翳路蟲聲撼人足爲之彳亍童芟薙徑路以疏旋霜勁草枯林壑畢露欣見亭址木瓦斯鳩羣賢從余遊者請據高詠藉伸雅懷得五言十章書於亭端聊以紀實也第所謂梅園者僅遺紅黃梅各一登亭平眺四圍山光掩映蒼藤古木俯則野茶彌望焉桐桂蕉竹杞杷皆非當年舊物云

我來已深秋滿園尙濃綠短竹自宜人笑舞低欲握老桂已再花清風散餘馥礙路草何長周遮不任足微蟲附草

黟縣四志

卷十五

雜志 詩錄

七十八

鳴咕咕聲斷續返步良所安畏難意轉拂呼僮負鎌鋤責以蔓除役須臾翳障蠲林壑新沐浴竹以坐君子桂以延耆宿日涉倘成趣種樹書徐讀偶憶謝康樂遊山恣伐木又憶漢龐參拔薙不辭酷

巡欄訪舊碑落蘚古牆壁風雨漫漶多手捫差可識小詩似連珠詠景二十一書法特隱秀格寫簪花密賢哉令尹謝同治刼初歷更有種梅記極盛乾嘉日藝卉林逋居作賦廣平筆深刻字猶完佳章儷球璧吳侯此開山百年規未失嗟自遭喪亂繁華就岑寂豈無風雅吏遊觀非所急安得重太平栽花傳政績

仙人何時來靈跡何時著春雨自年年滄桑知幾度別館
開玲瓏塵濁不敢住階下胡蝶花清秋舞朝露定有摘花
時不覩花間步

昔者梅繞屋儵爾竹盈岡今茲茶滿麓不覺竹又荒名實
苦不逮嘉卉誰殘傷萬事相代謝天道寧有常枯槁命所
厄榮茂運所昌梅守歲寒心消息通陰陽得天兩株厚盤
錯勵冰霜失勢一朝短率性萬古長但見雙虬幹愈老愈
芬芳

一拳主簿墩身後名猶據鄙陋野人言戒勿墩頭去有物
善崇人案牘頗滋懼聞之笑絕纓信口出雲霧或者禁採

黟縣四志

卷十五

雜志 詩錄

七十九

樵藉以衛竹樹否則爭墩意使人弗敢顧不然山能移淫
凶焉可恕壯哉王介甫事惟行我素人言且不恤鬼語奚
足怖短筇恣尋幽未肯封故步主簿原可詣或者鑿齒遇
明月萬古有亭子百年無鋤月月常在鋤者安在乎作達
非達人隨時恣歡愉生祇患不樂樂豈碍須臾梅開今歲
花昨歲花早蕪月盈今夕光昨夜光猶虛夜以計來去春
以譜榮枯梅花與明月同是輪迴軀三萬六千日卽事良
多娛亭圯曾幾時廢興互乘除縱橫十餘尺面勢仍故區
戶牖鑿白雲四壁山光扶亭下梅已馥延賞酒百壺醉卧
讀周易一卷假年書

古木鬱輪囷何止四十圍紅葉落半空紛若蜻蜓飛上有
松鼠穴結隊下高枝草間覓餘粒白晝占朶頤見人不知
畏獠木如登梯樂郊有馴雉德化感於微黠蟲誠狡獪飾
以君子欺海鳥認鳳皇千古智人給

芭蕉三百本本本意參天幽篁自成叢相映增清妍綠衣
比年少衫履各翩翩臨風響佩環姿態秀嬋娟桃源好山
水人物清且閑男子事錐刀行賈博良田得田託紅裙終
歲耕雲煙我來值荒歉檄吏催租錢租錢安可貸恒飢亦
堪憐請看蕉壓雪鶉結衣不全更看竹陵霜憔悴淚潸然
採茶如採木野者氣得清譬彼神仙人不食煙火生又如

黔縣四志

卷十五

雜志 詩錄

八十

泉石侶不受富貴淫強加培養功反失色味真園茶百餘
株疎散自成林主人那復有灌溉惟白雲秋冬滿樹花珠
玉燦晶瑩既具野心性宜託深山深猿鶴衛其枝蛟龍守
其根誰謂列宿垣乃復麗茶星

生有亭臺幸宦跡半名園鍾山好學圃都講伴五年花木
多手植桃李春風鮮瞻園古名勝徐王傳佳聯純皇錫宸
翰樓閣妙飛仙樊川詩文伯僚佐徵時賢三年坐詩社硯
席花間安大祚漢運移伏處當歸田賃得半畝居池館別
有天蕭瑟蘭成賦小園詩百篇丁巳返宜城安園詠紅蓮
珥筆贊機秘五載作枝官鶴冢賦桃花龍湫聽流泉雖櫻

塵濁煩頗結山水緣今來萬山中官廨亦山顛梅園富真
趣退食資餘閒愧無善政施五斗益慙顏何當守半畝老
學龔半干

自黟界首至漁亭道上見諸峯秀削皆齊雲支麓也

詩以張之

王詠霓

著屐別名山衍漾壺天外脩篁夾幽徑長橋渡淺瀨遠睇
衆峯青懸崖襍嵐靄詼詭異名狀丹青若藻繪或聳如三
台或峙如華蓋或如天馬行或如飛隼旆或如螺髻妍或
如鼉首癩老僧或面壁羣仙儼高會頗疑造化兒乃作此
狡獪惜無好事者開伐結松檜山靈容識我一路送醅醑

黟縣四志

卷十五

雜誌 詩錄

八十一

圖經補新安社集謝嵩太歸夢落漁亭夕風動虛籟

潯陽釣臺

王詠霓

醉月飛觴脫錦袍酒中空負謫仙豪不如滄海東頭去一
釣能連十五鰲

乾隆辛亥五月幾望胡君雪眉將讀書黃山貽詩一

帙用東坡與胡祠部游法華山韻題之

黃 鉞 左田

論詩毋立唐宋界風雅一源分萬派東坡前事真吾師每
見佳文但稱快譬彼湖江豈擇舟舫艫鯢餘共滂湃文惟
其是辭已出區區規仿毋乃隘胡君寄我詩一編五字長

城堅不壞却離文字妙語言不事鋪揚炫光怪平生解笑
郝隆夸腹有詩書安用曝假如李杜千萬篇自有琳琅燦
金薤慚予塗抹徧東西白戰常憂手無械讀君佳句輒撫
掌大勝麻姑爪搔疥蓮花天半夢難登白鶴雲中羽誰鍛
封還詩卷行自歌幾時償爾黃山債

君有黃山之約

小桃源

胡成浚

溪水漱石磯溪煙澹花嶼竟日無漁舟山響答人語

游林歷山

胡成浚

路暗藤花亂山春雉子飛杖藜不覺遠石乳滴人衣

宏村口占

胡成浚

黟縣四志

卷十五

雜誌 詩錄

八十二

何年就此卜隣居花月南湖畫不如浣汲未妨谿路遠家
家門巷有清渠

西溪八景詩

西遞名西溪又名西川

胡成浚

村勢舟航似高高建兩桅紛敷千萬葉絕少寄生枝歲久
根株大陰多雨露滋長留嘉樹譽更詠角弓詩

西溪喬木

最喜溪橋上潺潺暗水流移時天鏡上遠近白光浮坐話
惟宜夜閒吟愛及秋家鄉好明月不用苦低頭

梧橋夜月

先人讀書處高閣對烏坑午夜燈猶暈長吟谷應聲嶺歌
來和答殘月影矐明俯仰思題字悠悠往昔情

烏嶺樵唱

昨夢還能記曾爲夜讀人山圍疑井谷木古盡輪囷鉛槧

虛縻曰金丹可養真何時來習靜料理箇中身

藜館書聲

環黟山萬疊獨讓靄峯尊拔地一于仞諸峯如子孫有時
蒼翠失大半白雲屯似削惟堪畫還須仔細論

靄峯插雲

山勢從天下龍媒出渥洼頓蹶泉瀆湧映日晃金沙掬以
清喉渴兼之洗眼花虎跑留勝蹟較此未應誇

天馬湧泉

石堤行不盡忽入綠雲中小憩陰如幄微茫影蕩
金瑣碎漱水玉玲瓏往歲山陰道依稀光景同

槐陰夾道

朝日凍難出人家門未開生煙青隱隱積雪白皚皚策杖
沿溪路過橋探野梅行吟豁吾目似向玉峯來

前山積雪

復山紀事詩

用朱子行視武夷精舍詩韻

胡成浚

黟縣四志

卷十五

雜誌詩錄

八十三

按羅鄂州新安志復山高二百六十仞周二十九
里方輿記云山甚孤峻石壁四絕亦謂之五硯二
礫兩邊皆石壇中央有溝纔五六尺許山翠激流
爲羣峯之秀自宋以前蓋已列於名山矣因巖架
構中奉佛左居僧齋厨在焉右有齋題曰寥廓傍
齋有小石樓嘉慶己巳六月與汪君紫垣及門人
讀書於此今歲壬申正月復與門人吳振華入山
循視舊迹則左旁屋牆摧瓦敗椽柱欹危右齋與
樓亦滲漏無門扉不蔽風雨余與庵僧謀所以葺
之適紫垣偕其家文壇千里兩君挈壺榼過余亟

屬庵僧庀材修理越月而工竣向之摧敗欹危風
雨不蔽者均可無患矣余既得安坐其間且有以
待後之至者念三君之功不可忘特爲之記而係
以詩

出山復入山數往二年半今占生木升昔象水風渙始至
若新覲少焉還舊觀勝踐謝盟約重游詎河漢獨愁甕牖
居敝漏不可灌有客不速來向者共昏旦俯下察幽深憑
高寄傲岸感慨念陳迹鳩工監驗按補葺完且堅何必美
哉奐從此臥雲扃一編徐把玩佐餐林筍鮮娛目巖花爛
衆禽競好音求友屢呼喚我生無倚著聊爾脫羈絆安得

黔縣四志

卷十五

雜志 詩錄

八十四

素心人長年鎮相伴

石橋巖天泉書院爲明湛尚書若水講學處

胡成浚

歲陰生於夏日陰生於午管中窺造化一得或有取宣聖
起東魯老子出函關西方釋氏教蘖芽於其間孟子奮鄒
嶧時有朱與翟復有告不害言性若爲敵晦翁籍新安陸
氏開象山西江自流派外儒而內禪譬如一器中並置白
與黑黑白愈分明大哉摧廓力下逮明中葉陽極復生陰
陽明悟道要再啟西江緘維時湛尚書相契如瞿曇碩果
不能食尚有羅整庵

望巖下

胡成浚

山橋喧水碓漁浦隱風帆思尋處土宅高下盡松杉

再游石橋巖

中有宋元祐大觀時人題名

路窮沙磧揭崖轉白茅深乍到石門寺依然青竹林題名

北宋古返景飛梁陰俯仰感陳迹難爲生世心

培筠園雙檜

園爲宋學士汪公勃別業其同年張九齡題詩有森森檜柏松花老之句

胡成浚

碧山學士培筠園手種花竹疑平泉珍木奇花不可見尙
留兩檜排風煙張公題詩稱老檜不省根株自何世爾後
又更七百年日月誰能復數計葉柏身松皮鐵色心空苦

黔縣四志

卷十五

雜誌 詩錄

八十五

被螻蝈食白日慘澹雪霜凌霹靂摧殘霖雨黑學士當年

運帷幄

公曾簽書樞密

金魚玉帶賜優渥豈云無力攻咸陽威鳳

高翔看鷓鴣歸來憂國恒悒悒手撫庭柯景將入未覺婆

娑生意盡可恨嘉名長脚

秦檜號

襲劫灰飛盡海桑平此樹

支離疑有靈不見會稽山色好六陵無處覓冬青

書明處士汪君疇遺集

胡成浚

處士名宗訊家復山下負才耽學至性過人廣交

游金陵交焦弱侯王百穀吉水問學於郭青螺師

鄒南皋雖溺於姚江之習多大言然實人傑也

淳風旣已遠常懼坳圯侵寄迹高巖中庶可滌煩襟日來

把公集企緬懷難任七載此山巔結廬閱晴陰學成游白
下旅食空囊金賦詩別同盟却返家山岑扁舟復西上思
將墜緒尋升堂擊鐘磬聖師儼來臨講論雖未醇要足判
人禽倚閭眷慈母淒其游子吟師没仍獨居歌哭情何深
詩辭豈必工足正鄭聲淫就中所記錄讀之當銘箴不貪
身自超無欲氛已沈峩峩紫石壇幽幽青竹林曉風醒殘
夢清月寒孤衾相去二百年遙遙復茲今伯牙絃久絕塵
封大古琴箏琶競雷鳴何處聆遺音掩卷三歎息公應知
我心

胡烈女詩

胡成浚

黟縣四志

卷十五

雜志 詩錄

八十六

烈女名桂芳吾族姑也許字程某某客外十餘年
絕無音耗或傳已溺死女聞矢不再字父母哀其
志憐其年長無歸憂形於色女窺知徑自縊嗚呼
烈女思遂其志以釋親憂毅然致命可謂孝烈矣
然烈女死數年某竟歸云

千金璧碎乃圓千尺柏燬乃全烈女之死完其天解一烈女

許嫁程氏聘幣具禮過時不歸嗟嗟游子解二女生願有家

游子終不歸父母心慈女心轉悲解三暗室泣鬼神集畢命

朱繩救解無及解四酸風淅淅白日沈沈老幼走觀哀動四

鄰解五大吏爲題請 天語報可烏頭綽楔高高道左解六游

子歸何遲墳草已離離不救烈女死雖生空爾爲七解 曰孝

曰烈我書其碣山石有時移題字長不滅八解

題雪廬印存前 黃大蕃

頡文籀篆劫灰餘異曲同工說顧云美 徐士白 秦鉢漢章誰比

美一燈對論小窗虛

索印人如索債忙印泥紅映配文房閑時愛做丁龍泓小 黃松小

法鐵筆縱橫不可當

贈黃慰黎先生 蒯耕崖

讀書談道六十載坐閱滄桑感歲華松柏堅貞堪壽世詩
文淵雅足傳家埋頭經史逃塵網繞膝芝蘭發豔葩同挽

黔縣四志 卷十五 雜誌 詩錄 八十七

鹿車饒逸興駐顏無事覓丹砂

爲雪廬題芙初族兄蘭冊 有序 黃 密

海田變更世無淨土江關蕭瑟野有遺民麥秀黍
離之感憑吊欷歔香草美人之思芬芳悱惻此我
芙初族兄所以寫幽怨於墨蘭歟觀其自題云旁
人莫笑頹唐甚中有湘纍萬古悲則寄慨深矣癸
亥暮春風雨如晦其姪孫雪廬出所藏蘭冊屬題
爰賦兩絕以應其請嗟嗟賈誼憂時尋靈均而共
語斐倫哀什悼希臘之爲奴古之傷心人蓋別有
懷抱也

亡國何須識大夫楚江踪跡總模糊淋漓寫出幽蘭影可
喻孤臣心事無

莽莽神州痛陸沉幾人憂國繫深心我來讀畫增惆悵也
當離騷對酒吟

卓人先生善繪工詩心儀久矣近出紙索句並誦唐
子畏絕句見志爰依其韻成小詩四章以誌欣賞
卽錄奉指謬

潘 陞

酒僂詩佛畫名禪硯薄無嫌石作田稿富桃源溪壑美荆
關萬本不論錢

任從塵俗喚癡頑那管乘除世益艱三百年來求伴侶龔

黔縣四志

卷十五

雜志 詩錄

八十八

賢樓上寫青山

東坡昔詠煙江軸奇想忽生二頃田何若浮雲心不滓青
銅上數畫義錢

點染煙雲筆不頑松圓宗派繼非艱毫端不借金錢力願
乞倪迂半幅山

詠春柳寄黃慰黎端兄

程定保

灑徧千絲與萬條陽關西出路迢迢長楊獻賦才無敵細
柳成軍將不驕濯濯昔曾邀月旦依依今喜見風標五株
休向門前種只恐先生嬾折腰

贈葉君仲霖五十誕辰詩

胡存慶

我今與君共百歲各加五十期
願計我生之月斗指申君
今生辰花開桂周瑜小於策
一日才氣英英春發越學富
千蹠筆生花足躡天根與月竈
士元豈是百里才船到蓬
山風吹回君候補湖北歸
宦海波瀾千萬丈孤山處士來種梅
梅妻鶴子共團圓浣花草堂容膝安大廬初成
不朽功名付公等
傲骨原來不勝官買臣五十當富貴
富貴究竟心何慰雄雞斷尾憚爲犧
蕤菜作羹終有味君不見賣瓜路旁號
故侯槐安一夢空悠悠又不見幻象造出百尺海市與蜃樓
烟雲過眼頃刻成浮漚耕我東山田讀我南華篇我愛太
玄玄君以計然然還有葛洪時後方一編與君共隱羅浮

黔縣四志

卷十五

雜誌 詩錄

八十九

事鑽研左挹浮邱袖右拍洪崖肩不知身是陸地仙箕山
潁水樂餘年

文社八人年來星散壬戌夏孫子簡庭從關外歸余
偕葉子毅齋黃子采真黃子竹愚往謁留飲因賦
此
胡存慶

萬里歸來一白頭座中半是舊交游燕鴻踪跡分南北

子葉

德修在濟南孫子林芬在湖北葉子仲霖在江西

錦繡文章煥斗牛努力功名成

夢覺思量清福有閑偷如今可免升沈感好把尊前大白

浮

春暮歸自梨充山房賦呈程伯勇夫子

何緝熙

梨充山重重環山多蒼松松間結茅屋
巖巖白雲封我纔到山麓好風先送馥
夾道地錦鋪山花紅滿谷樵徑穿密
林遙聽書聲吟荆扉晝不閉山館饒
春陰憶昔求師切此間曾立雪大匠
無棄材用以開我掘親炙兩年中秋
陽與春風患難讀詩書文字間兵戎
不受黃巾拜吳鉤繫錦帶泱泱諸昆
季相從在陳蔡乙卯夏梨充禦寇時余兄弟皆從
下馬入書堂洋洋如平常絃歌銷兵
氣銷為日月光青山愜眺望烟巒景
難狀相賞酒罇開往往分餘釀此事
恍目前忽忽兩隔年重來對几席意
緒增纏綿依戀幾忘返夕陽忽已晚
心

黔縣四志

卷十五

雜誌 詩錄

九十

期日日來但恨道途遠下榻緬徐陳
豈不數昏晨童蒙亦求我余以授讀未能留宿
下山足逡巡碧山頗秀朗歸來下書幌
抒情賦新詩輒以質函丈

先春園行寄吳小舫兼懷胡月窓夫子暨當年諸同

學

何緝熙麗和

碧山之麓有名園汪倫別墅環藩垣

園係汪姓業

依山傍水工

佈置樓臺亭閣相攀援憶昔馬融設絳帳諸生林立屹
相向太平風裏書聲揚春風桃李花爭放愧我亦列弟
子行執經問難同升堂孔門曾參年最少由夏之徒相
頡頏是時意氣豪且俠磊落襟懷不可攝陽春飛觴燕
桃花深秋

執筆題紅葉高樓冬望快雪晴池荷入夏涼風生舉杯園
中百鳥嘯濯纓門外一水清方塘半畝可垂釣青山四面
供遠眺如斯勝事難縷陳人生最樂是年少少年壯志凌
雲烟揮毫染翰競鮮妍十載共抱干霄志青雲有路咸爭
先詎料海內烽烟起風聲吹到山城裏雲散風流各一方
索居離羣在桑梓亂中歲月易驅馳滿腹空懷杜老悲良
朋咫尺恍千里誰復把酒時追隨今春興步到深院極目
忽驚景物變流鶯不聞舊時音花柳尙識故人面狐狸野
鼠出窺人亭閣傾圮卧荆榛一片荒涼不忍視蒼苔立久
倍酸辛吁嗟萬事過眼總陳迹盛衰何常安足惜物猶如

黟縣四志

卷十五

雜志 詩錄

九十一

此人何堪偶然觸緒感今昔念此懷人屢徘徊雲樹蒼茫
鬱不開私心從頭數我友一一誰非奪錦才生不逢時千

古恨亂世文人每困頓或多慝迹居市廛

謂汪馭卿葉麗春汪顛廷篤諸

其人或借深山學肥遯

謂史耀東

或策花驄遠幕游

謂汪梓卿

或同宿

草埋荒邱

謂林理居汪軼凡

獨我與君癡待兔伊唔一卷吟深秋

昨幸四境息鼙鼓有 詔修文思偃武君也名揚浙水濱
我亦技獻新安浦蕞爾功名何足云小試小效信非虛欲
騰驥足展鵬搏此生還當惜三餘記得去年曾有約西湖
深處多巖壑四方鶴唳幸不聞讀書燈火欣可託烽烟今
亦遍武林滄桑變換難從心萬事由來一轉眼自此翻添

感慨深何日海內攬槍掃書生久欲舒懷抱上林花柳萬
年新相期共踏長安道

五十自述十二首

何宗遜 笠農

五十年前墮地時棣花新放第三枝赤符肇紀中興業 同治

元年壬戌正月生 朱芾初賡小雅詩夢裏雷聲占地奮 生時先慈夢聞雷

而 人間陰隲動天知 先君曾刊陰隲文勸世序述甚詳 六親三黨爭傳播

都道嘉禾晚穫遲 同胞十姊兩兄

豈果前身夙慧殊家庭教育史兼圖偶參元禮通家席都

作阿戎小友呼 小時為同里諸先達器許 著作林中依馬帳 丙寅五歲從先師湯

伯玕徵君發蒙師館予家早課徒晚著書成十六國春秋一百卷生平著述有五百餘種 縱橫壁上愛

黔縣四志

卷十五

雜誌詩錄

九十二

鴉塗 初學作書好以手畫壁摹寫 兒時舊事真堪憶轉覺今吾愧故吾

脫穎毛錐甫發矚成童便博子衿青 丁丑入學第一 已馳江夏無

雙譽更向河間受一經 遊庠後從伯玕先生仲子南田師受業 宮盼廣寒遲

得月廚分天祿早占星 庚辰食餼 陸機二十成文賦恰與前賢

共綺齡 辛巳二十歲擬陸士衡文賦為蕭山湯味齋師所賞

家有藏書抵百城硯田無歲不深耕籍咸林下兼師保軾

轍文中有弟兄但使珠懷高士褐何妨金盡舊時簫 家本素封

兵燹後中落 孫吳兵法由基射慚愧詞場負盛名 歷年應試會課居首選不

止百次

幾年月弄與風吟常把孔顏樂處尋入室芝蘭通夙契滿

門桃李展新陰丙戌授徒 文刊太史輶軒錄遇感中郎爨

下琴調座師貴 長此一莊荒到老陸公深負愛才心

萊綵觴稱七秩筵南金恰貢早秋天戊子八月堂上雙 也

曾文字魁天下己丑廷試 聊把科名慰膝前一座園林

留七載兩番風樹慟三年己丑冬癸巳春迭丁內外艱家

年 潘輿毛檄都無分悵望終天獨惘然

省識長安舊酒痕丁年射策又金門丁酉再 西江滿貸天

邊水賞裝多借 北道歡開陌上樽同鄉京僚 五度秋風躋

桂籍北是榜秋捷 一帆春雨迓桃根獨憐辜負看花眼杏苑春

深隔帝閭戊戌

黔縣四志 卷十五 雜誌 詩錄

九十三

乍聽琴鳴單父堂己亥選授山 忽驚人世變滄桑黃巾已

見橫河朔庚子北直拳匪倡 赤手何堪障晉陽邑治即春

濁世浮榮嗤腐鼠因請兵剿 彌天妖焰熾貪狼河山再造

資臣力瑜亮同時出梓鄉謂李文忠

墨池雪嶺任紛紜知己相逢便不羣榻上歡迎徐孺子座

中平揖漢將軍馬忠武隨扈莅 謫居人羨蓬萊住扞圉身

分柱石勲自是枚皋多速藻飛書草檄氣如雲平生香火

有前緣八上封章獨薦賢九殿鳴珂晨聽漏先後引見

蒙 見一次 萬弦控弩夜臨邊三赴熱河防邊 行間將士多方

面軍中提鎮 朝右公卿憶比肩同日被內擢尚書侍郎副

都統外任將軍督撫者

太息封侯無骨相幾回攬鏡自生憐

三軍叱咤起風雷豔說書生拜將來

丁未夏馬忠武請假回籍奏派代攝武衛

左軍 敢詔郭軍須李代本來桓幕為郗開繡衣未握巡邊節

公府交徵異地材

丁未冬楊文敬奏留直隸己酉春李仲帥奏調雲南

賸有幽并豪

氣在一鞭遙指彩雲隈

歷年宦蹟由晉而燕而滇

懶聽節樓官鼓搥不如歸去問桑麻

庚戌冬請假自滇回里

金章紫

綬原無命樵谷桃源舊有家老去光陰同逝水庭前兒女

半空花芳樽且進屠蘇酒莫遣蹉跎誤歲華

題雪舫學兄吟草

許懋和 雪琴

言屬心麗難偽為言之精者曰文詞文詞之精莫如詩讀

黔縣四志

卷十五

雜誌 詩錄

九十四

詩人乃如見之見人詩亦從可思 何君雪舫人中麒玉

樹臨風楊柳垂九齡器度張緒姿偶然談論塵尾持言恬

氣靜芝蘭吹偶然揮灑兔毫摛體輕貌秀鳳鸞儀其人情

摯而心夷詩之清婉無足疑我昔過從梨山時未知其弟

視其師弟所造就關師資師也詩才天馬馳或如好女縱

體嬉雄奇芋麗各有宜亦趨亦步植厥基定侷藉湜韓愈

隨惜乎人隔詩未披願見之意徒孽孽今來求友皖江湄

見 君丰采深欽遲見 君言論與臨池我所見者僅若

斯聞 君詩積千有奇 君特恹秘不使窺翻索題句為

先施拋甄引玉固難辭羌無故實曷測追較猜度語勢尤

危鑿空贊譽美必遺第人與詩合不離詩可因人想像知
人之於詩豈遠而知 君昔下碧山帷翩然立雪尋洛伊
雞窗螢案勤晤咿爾時詩定敷華蕤書淫左癖情中癡既
乃馳驅遠道歧連錢瘦馬宣妙騎江村茆店往來疲爾時
詩定含怨咨風鬢霧鬕新月眉於今專席坐臯比子山故
園厄豺羆季長絳帳聽竹絲爾時詩定增歎噫金風玉露
淚痕滋知 君詩循温李規以侷儻不以淋漓初日芙蓉
露桃枝婀娜妖冶曼邇池玉環膚色飛燕肌白粉綠黛雜
紅脂詩原可卽人爲推不待見詩析毫釐推之而當 君
其怡知心同調己在茲推之不當 君莫嗤課虛責有能

黟縣四志

卷十五

雜志 詩錄

九十五

者誰爰題句作拔語貽再乞詩觀將俗醫名山事業千古
期美人香草孰敢訾西崑體出宋臯夔

題王子芬表兄攜鉏荷笠圖

集文選

孫應台

弱冠弄柔翰高步超常倫流聲馥秋蘭謂若傍無人連璽
耀前庭視之若埃塵梅生隱市門老氏守其真志士營世
業積久德逾宣神感因物作蓬蒿滿中園曰余知止足躑
躑千畝田旣耕亦已種由來有固然高眇邈四海豈校耳
目前勉力在無逸膏澤多豐年布衣可終身信行直如絃
寫心出中誠陳詩愧未折

祝汪君伯吾太夫人七旬壽辰

集文選

孫應台

本自餐霞人亮懷瓊璫美媛草樹蘭房停陰結不解主稱
千金壽淑美難窮紀福履既所綏庭樹發紅彩今日良宴
會四筵霑芳醴賓友仰徽容有懷誰能已

崑山積瓊玉窈窕多容儀邃房出清顏含英揚光輝衛生
自有經煌煌發令姿積善有餘慶九族共瞻遲獨有延年
術千秋長若斯靈芝望三秀道積自成基但願隆宏美道
遙臨華池

節勵松筠

胡元鑑朗軒

此庚申九月 大總統贈姻伯母葉蔚華先生德
配舒太夫人匾額並錫銀章白綬元鑑 忝在戚末

黔縣四志

卷十五

雜誌 詩錄

九十六

喜而賦此

褒揚鉅典錫神京節勵松筠著令名漆室青燈天亦泣銀
章白綬世爭榮歐陽自昔留遺範鄒國於今有斷聲尤羨
象賢堂構美芝蘭玉樹繞階生

十二月讀書樂詩十二首

隙月讀書樂功夫新做起無忘其所能精進從此始
如月讀書樂釋菜隙上丁課程日益密柔史與剛經
竊月讀書樂則古吾儒貴大賢不違仁至聖忘肉味
余月讀書樂天亦篤栽培窓戶向南開薰風自南來
皋月讀書樂天籟來迫促畫長吟方酣鳴蛭聲斷續

且月讀書樂意深暑不知夜課無定限學而時習之
相月讀書樂趣最須記詩心何處清蕉雨帶秋意
壯月讀書樂意月極煥發讀到圓熟時仰視中秋月
玄月讀書樂燈火月初長學修要凝鍊白露結爲霜
陽月讀書樂乃樂小陽春努力愛春華温故而知新
辜月讀書樂文史足千卷冰雪淨聰明會心不在遠
涂月讀書樂積月已成年學與年俱進樂真莫大焉

感謝韓仲容世丈

程桂芳

平生相識未相逢曰下雲間鶴與龍北海有心知劉備東
家何幸遇孫嵩仲連排難多俠骨谷永聯章進上峯慷慨

黔縣四志

卷十五

雜誌 詩錄

九十七

登壇執牛耳一人歃血萬人從

題春明唱和錄

黃密

此冊皆鄉先輩京邸酬唱之作香奩體居多不知
誰所手錄也敬庵徵君得之於廢書攤欲付劊劊
屬予題詞

歌詠承平讓昔賢金臺回首事如煙神仙聲望同舟曰風
雪旗亭畫壁年萬劫未能除綺語數丈猶幸得殘編蘭成
蕭瑟王郎老屈指晨星一慨然

集中今惟家肖蘭族兄王
勝午世丈尚健在他如家

蘭韻孫蘭濱王松坪諸名宿墓有宿草矣

題胡一貞君拜石軒記

黃密

高軒占斷杏墩春片額標題筆有神閱盡塵容都碌碌却
欽石骨傲磷磷琢磨端賴他山力頂禮甘爲凡事人煙墨
淋漓留一記襄陽顛趣見天真

題子穆族姪遺墨

有序

黃密

嗚呼此延清芬室季子子牧留贈其友雪廬墨迹也雪
廬爲予言壬戌四月之朔子牧患咯血已小差晨興吮
毫揮成此幅忽熱血空湧湏臾遽歿今觀其書法逼近
松禪而腕力勁健墨色神采湛湛不類扶病所書讀遼
東雜感詩二首亦蒼涼悲壯淒入心脾蓋錄名著也冷
雨敲窗一燈如豆雪廬出此相示不鄙無文屬綴荒翰

黔縣四志

卷十五

雜志 詩錄

九十八

予感子敬人琴之渺有山陽聞笛之哀率題兩截以寄
慨焉

一腔熱血灑何地灑向毫端祇自傷舊雨精靈欲化碧篋
中行作三年藏

是誰劫後動哀吟關塞蕭條感不禁累汝揮成銷病骨傷
哉斜日廣陵琴

爲篁村族再姪作雪夜課子圖并系小詩

黃次功

相對麻衣血淚枯十年冰蘖撫遺孤機聲燈影無從寫聊
仿涂家味雪圖

爲慮山族弟寫蘭并系小詩

黃啟蓉

對酒撫鳴琴颯颯生秋心
美人在何許空山深復深
託根眾香國何處有荆棘
無言亦自芳不矜好顏色

題孫竹坪廣文捧檄娛親圖

胡光碩
遜夫

子容不擇南州尉祇爲高堂有老親
思博花封娛色笑肯終林下託閒身

司訓無殊司牧嚴文章政治一門兼
從今化雨同甘雨一樣膏流蔀屋霑

令叔作霖先生時任廣東瓊山縣

呈張凱章方伯

胡光碩

旗懸六纛擁貔貅帷幄從容坐運籌
墨仿徐文磨盾鼻米

黟縣四志

卷十五

雜誌 詩錄

九十九

炊孫竈浙矛頭英姿駿爽來褒鄂
壯志鷹揚巨斗牛定遠濟時多偉畧
櫓槍掃盡竟封侯

黟山半載託帡幪細柳營環壁壘
崇草有生機蘇化雨花憐弱質護春
風途芟荆棘驅梟獍粥煮桃華拯雁
鴻到處蒼生蒙照育優游如戴碧翁翁

黃傑軒總戎駐徽一載屢奏膚功
移鎮江右賦此送之
胡光碩

秉鉞登壇仰總戎指揮號令氣如虹
韜鈴冠世推黃石凌厲無雙軼李崇
陣布柳營操勝算紮營八都馬埒
氛清樵谷奏膚功雄師直搗堅城復
湯火重甦慰澤鴻

評聞月旦足千秋帷幄端宜坐運籌

張凱章方伯謂公節
精細可勝大任

領虎符頻錫爵勲高麟閣待封侯風聲到處騰輿頌星駕
無緣卧轍留從此洪都迎棨戟凱歌遙聽奏庚郵

送黃震方先生偕 令姪傑軒總戎之江右

胡光碩

桃源壘築舊連雲蓮幕才高久軼羣投筆爭稱班定遠掌
書直駕鮑參軍龍韜世擅紆籌策虎帳猷襄著異勲不比
竹林稱阮氏弗嫻武畧但能文

爭繡平原欲買絲秋風展駕忽西馳狼烽驟逼思傳檄罷

士交臨感拯危

賊逼岡村人心惶懼蒙馳書
休邑請兵截勦賊驚遠遁

此去豫章資

黟縣四志

卷十五

雜志 詩錄

一百

保障敢忘歛浦賴扶持鴻磬幸得依中澤多少蒼生載口
碑

聞捷讀 曾樞帥詩謹用原韻奉和 胡光碩

大江南北靖鯨波兵氣銷除釀太和自是 相臣能造命
十年甲冑洗銀河

霖雨滌滌草木腥能從湯火拯生靈將軍征討多英傑不
數長平漢衛青

掃淨烟狼烽火橫風行草木懾威名梯航更見淮夷服曙
煥山河劍戟明

韜畧威揚面帶霜 韓公才豈斗能量中興叔則相輝映

爭仰英姿繪 紫光

黔縣四志

卷十五

雜誌 詩錄

一百一

歌

林歷山銅箭鏃歌

程珏

君不見銅雀臺高臨漳水勢崔嵬一片荒蕪隨荆棘後人
覓瓦空徘徊又不見承露盤毀遷柏梁肆凋殘廿丈銅人
今安在此時弔古徒嗟歎魏家祖孫爭奢侈遊人過此思
遺址當年鼎足稱東吳割據名城築戰壘豈虞山賊肆披
猖據險負隅齊跳梁旌旗林歷四面樹殺人不異犬與羊
使我閭閻勢窮蹙無辜黔首遭屠戮髑髏帶血形模糊往
徃天陰鬼夜哭聞道當年賀將軍攻險白挺策奇勲萬弩
齊飛陳僕死掃除羣孽淨妖氛建安迄今二千載野人斲

黔縣四志

卷十五

雜志 詩錄

一百二

土鏃猶在狼牙銳利鋒銛失鴨嘴平磨形復改老衲珍藏
己有年日昨示我質何怪三稜徑寸土花碧寶之奚異五
銖錢匣中劍氣干牛斗龍泉會當攜在手鏃兮鏃兮與爾
銘勲銅柱勒燕然定當一戰滅羣醜

王門雙節歌

余燦藜

王母許氏者與藜表姊姊之姻婭也時藜設教館於
郭隅近與比隣常聆諄諄家訓及憐貧濟苦諸善舉
里黨多德之故許氏之嘉言懿行則見而知之如許
氏之伯婦其嘉言懿行則聞而知之雖然見聞不同
言行則一也宜子之成立得兩節母閨門之教育而

使之有如此者良不虛也噫嘻天道變遷人事偷薄
世皆憤憤誰明大義況在釵裾間乎茲得於王門萬
氏許氏者誠可爲婦女之龜鑑足以垂史冊勵世道
而維風化者矣爰敬而歌曰

山中有樹木折則莫能扶堂前有萱草萎則自集枯雙節
維王門亢宗得賢子日月光同明春秋名不死八載琴瑟
調十年鴛鴦喜香正滿螭奩痛忽驚鵬止殉夫不欲生撫
孤曷忍逝金石矢同堅盤匱奉勿替藁砧助忘勞妯娌和
相濟巴婦苦相依桓嫠堪比例兩婦節觥觥幽光耀門第

又

黃密

黔縣四志

卷十五

雜志 詩錄

一百三

方今女權肆披猖滄海橫流靡底止班姑女誠棄弁髦婚
嫁自由寡廉恥請爲試誦雙節歌色或忸怩顙有泚黔城
王姓有兩孀一爲萬氏一許氏先後完貞萃一門許氏爲
娣萬爲妯萬氏不幸失所天吞金遇救得不死許氏夫歿
在吳城音信閼隔數百里櫜歸一慟腸斷絕拚死殉夫長
已矣皆緣二老猶在堂舍生未遂強而起古來從容就義
難更爲約畧述端委萬氏盡孝事重閨唯恐宛轉難稱指
小姑歸寧輒私詢答云豫悅心竊喜許氏婉孌產儒門教
兒能自編書史事上撫孤倍勤劬賴有伯妯相助理阿翁
風痺病在床阿姑脚痿艱步履祁寒盛暑共扶持虔進藥

餌供甘旨妣邁患痢娣滌穢狼狽顛連互相倚伯道無兒
大宗絕卽以娣子爲己子旋念母黨亦零丁若敖餒而斬
厥祀擇賢承繼縣宗裡巾幗鬚眉那有此許氏遺愛更難
忘淑範女學創其始能脫簪珥濟困窮厚以待人約待己
郝鍾他年合一傳頡之頑之堪角抵君看褒寵旌門閭志
潔行芳成兩美噫吁嘻志潔行芳成兩美卓立坤維敦倫
紀誰及王門賢岫婣

潯陽釣臺歌

余良弼

石壁嶙峋環四面波光瀲灩游鱗戀天然幽雅畫圖張點
染松杉青一片憶昔謫仙此停蹤樂此溪流酒樣濃竹竿

黟縣四志

卷十五

雜志 詩錄

一百四

間拂綠苔坐未須半江翦吳淞撫景能無擗管題雲飛縷
縷草萋萋摩挲蘚壁墨痕古佳句閱歷天地齊豈果桃花
源能避秦災山靈呵護不教風雨催卽令粵寇屢蹂躪人
家隨處飛劫灰靈光巋然依舊在山高水深何曾改信是
呵護鍾神奇不愁桑田變滄海幽壑鳥鳴聽宛轉谷口樵
唱聲偏輓欵乃遙聞箴上灘仙境塵寰劇難辨遊人勝蹟
索行客足偶託羣訝銀濤翻爭誇玉鯉躍此際誰不臨淵
羨名區名惟名士擅最是斜風細雨天一竿勝概若目見
君不見嚴子陵瀨水潺潺任公一釣非等閒山陬何幸留
名勝千秋萬禩相追攀何妨暫教釣鰲手聊坐磯頭伴煙

柳得魚歸去夕陽斜呼朋高歌暢飲劉伶酒五斗

牧牛歌爲王大令槐卿賦

戴榮基

滿林黃葉明朝暎朝煙猶銷黃葉村二麥種後惜牛力早
起牧牛兒出門野塍荒徑生涼吹秋草霜前半菱翠高低
陂阪緩相驅怕使牛饑時著意阪前陂下牛散行小牛每
隨大牛鳴麻繩纏角小拘束鞭箠不加牛不驚牛不時驚
牛自肥牛不時驚兒得嬉牛安嚙草兒無事短笛時時相
換吹牧牛牧民同一理豈忍苛煩到赤子君不見漢家良
牧數劉寬蒲鞭牧民民自安

後石鼓山歌

有序

戴承烈

黟縣四志

卷十五

雜志 詩錄

一百五

咸豐乙卯仲夏粵賊寇黟義民與戰於石鼓山死
難者甚衆予曾作悲石鼓詩以哀之庚申孟冬賊
復竄黟城官軍四路迎擊皆大捷逆酋率羣匪退
據石鼓險隘與官軍復戰旋風大起失其步伐遂
聚而殲焉豈死義者之靈歟因作後石鼓山歌

蚩尤霧噴數千里虜馬又飲牛泉水牛泉南趨石鼓山山
上屢驚鋒鏑起黃土年來血未乾白丁攘臂仍如蟻魚麗
網罟雀投羅聚族一朝殲鼠子古來潑賊孰滔天肆毒無
如張與李李死襄陽張死川終見游魂沈釜錡陰風慘淡
路昏迷鬼神助陣深崖裏由來天道常好還殺人殺非

無以京觀快取鯨鯢封老稚環觀皆色喜哀哉國殤洵有
靈忠魂義氣長憑倚

新安大好山水歌

孫茂寬

新安之山宇內奇山山眺徧神不疲新安之水宇內勝水
水滙流棹可隨就中山明更水淨絕妙何圖竟若斯一自
天都發其脉一從歙浦合其支君不見白嶽黃山相對峙
細看從來無厭時千峯萬峯雜錯出嫣然天宇爲修眉又
不見練江水色瀟湘勝無冬無春皎鏡凝搖艇江中涵萬
象碎月灘上月痕遲憶自唐賢流覽後經今山水入歌詩
度筍輿發蘭棹吞若雲夢者八九山耶水耶任所之天公

黟縣四志

卷十五

雜志 詩錄

一百六

不惜鍾靈厚佳境長留我輩窺載稽勝蹟先羅志覽勝一
如畫圖披

王母萬宜人許孺人雙節歌

舒斯笏

炯炯光芒懸寶婺亭亭松柏凌霜露臚牟星象睇林阿一
得已難甯兩遇紛傳解放靈言多婦女無知可奈何欲挽
頽風還太古敢陳懿行譜長歌自昔王宗標楔綽渾妻鍾
氏湛妻郝遙從晉代到如今近有衛姜相繼作論輩原爲
娣姒行女貞二木一庭生磨笄共灑湘君淚翦字同題杞
婦城萬氏宜人華胄女八年遽折鴛鴦侶幼嗟失怙草無
依長倚阿娘荼其茹年方二十嬪王家秘醇開城並蒂花

未佩金蘭占彩夢忽驚玉樹掩黃沙粧台朝碎同心鏡夕
卸彊環來畢命已拚春兒共死情幸逢夏女更生慶星霜
兩換苦誰知娣毓麒麟喜不支大數由天皆我命小宗有
子卽吾兒尊章侍奉無稍缺洗手調羹常整潔私問小姑
意倍虔互提嬌子心尤熱共節同芳許孺人名儒叔重是
嚴親詩吟柳絮篇篇妙字寫簪花筆筆神十九于歸歌燕
爾有才有德隨夫子歡承堂上掬誠心樂奏房中徵福祉
才高夫婿屈窮檐棄仕從商尺蠖潛暫向洪都焚范硯不
妨江右鬻吳鹽離鸞噩耗何人漏忍死須臾憐子幼闈內
宣文帳獨開閨中永叔書親授高堂垂暮賴扶持翁病衰

黟縣四志

卷十五

雜志 詩錄

一百七

頽嫗病疲生盡勤勞敦孝行歿營喪葬永哀思周鄰卹戚
推賢母如此善人天不負彤管難詳好範模綵衣僉羨佳
兒婦槃槃喆嗣肖徵君前配舒門倏返真我愧關圖悲從
妹君如禹錫悼夫人繼室同賡偕老句鉛華不飾崇荆布
庭蘭茁處瑞融融階桂培時芬馥馥雙節芳儀百世傳褒
揚四字署堂前碑銘須演連珠體傳誌宜名合璧編不佞
無文漸筆禿忝居戚未欽賢淑聊諧絳樹按雙聲且借黃
花書二牘絃管餘音繞屋梁歌喉雖歇口猶香行芳志潔
門閭表寄語人間出嫁娘

少軒族兄繼室石宜人輓歌

舒斯笏

歲暮天寒風舞雪玉樓凍破銀河裂瑤琴再罷悄無聲寶
鏡長埋悲永訣萬石鱗鱗石氏家聯翩科甲擅清華黃梅
夙羨無雙第紅菊爭誇第七花宜人生於七月行七第七阿姑無怙

恃玲瓏婉孌珠相似縫裳織錦蕙幃中詠絮銘椒蘭閣裏
大母恩慈世母憐家庭教育意拳拳年剛廿四風傳信宜人

年二十四于歸代著三日月正圓婚期八月天上紫雲初奏曲文簫得

綵明花燭無依雛女喜相依前室有女即來相依未續鶉絃欣再續

翩翩夫婿少軒君世德吾宗久著聞才識兼通新舊學詩
書徧讀古今文自從京國遨遊久倏忽十年三聚首世變
功名頗痛心材高祿俸堪餬口魚軒遠迓女中師甫到都

黔縣四志

卷十五

雜志 詩錄

一百八

門喜不支恥逐紛華諧惡俗仍安荆布似貧時相夫鞠子
端儀式脂粉鉛華俱屏飾鄰右交稱冀婦才都人允歎梁
妻德無端復辟動干戈夫子東游可奈何一室嚶嚶雛鳥
在四城狷狷虎狼多思量無計頻搓手闔內程嬰惟一走
帶水拖泥避亂潮左提右挈資賢母郎君聞耗返京城始
識先期盡室行星夜折回燕北道風塵復數濟南程濟南
重聚相悲喜疑夢疑真同嚙指兄治商河奉輦迎宜人兄為商河
縣知事夫僑衛巷隨車徙衛巷係少軒兄族居地名少軒才具足匡時幹
練聲名處處知賣劍前徽希渤海縮符初步即臨淄賢哉
內助今稱罕為語鋤奸焉可緩邑宰廉明惠徧敷宜人儉

樸衣親澣桃宗敬似性情稠念舊憐貧禮遇周似此宜膺

期嘏號

宜人閨名期嘏祝多壽也

云何遽抱病魔憂連投藥劑延殘喘

草木無靈功效淺一病兩年寢未安千呼萬喚魂難轉嗚

呼逝者已長辭婉婉儀型想見之在昔曾爲傷往賦那堪

再作悼亡詩呱呱啜泣雙童稚未免有請誰遣此夫婿傷

春袖染紅士民哭奠香凝紫回環頌誦寄來箋老淚如絲

屢泫然譜罷長歌還有問媧皇何日補情天

潯陽釣臺歌

用李白西岳雲臺歌韻

胡騰達

潯陽之山真奇哉潯陽之水抱山來行人沙岸自巖險灘

水潺潺喧薄雷落英繽紛散霞彩垂釣仙翁今何在娟娟

黟縣四志

卷十五

雜志歌

一百九

翠竹青琅玕釣絲欲拂珊瑚海懸崖倒削疑欲摧壺天異

境忽中開白雲芳草兩無恙寂寞清谿一釣臺谿頭卓午

花冥冥柳絮飄殘萍始生一隊香風吹未散綠波跳出紅

鱗輕應有人家樹當戶松杉隔溪聞人語我來垂釣攬餘

輝仙乎仙乎胡不歸長嘯一聲灘水碧臺邊驚起沙禽飛

林歷山古銅鑊歌

吳孫權將賀齊討陳僕祖山所遺土人往往於沙泥中得之

胡成浚

漢殿沈沈箭鳴急金銅仙人向天泣的盧飛上魚鳧高中

原羣盜紛蝟毛江東險要天所設紫髯亦是人中傑帳前

軍士熊虎貌疾掃欃槍如電掣銘功無處尋殘碑林歷洞

黝巖屨屨銅鏃出地土花死藥氣侵人戰毛髓鋒銛腹大
旁三稜屠黎拾得堅緘滕想當鼓鳴礮火起白雨萬點隨
風騰注以清泉滿盤綠欲拾還疑誰敢掬論古拚空濁酒
壺未須拔劍生長吁銅雀飄殘墮赤烏日月高高八陣圖

詞

贈黃君

調寄買陂塘

錢塘

陳 栩

問天公所援何例才人定教窮死文章折盡酸儒福潦倒
 江河而止姑且試看古往今來幾輩皆如此當年韓子肯
 賣藥街頭懸壺市上夫豈好爲是 黃君者落拓自憐身
 世牢騷不知何似杜陵茅屋風吹破立錐可堪無地悲往
 事杖筆硯多情能續傷心史家私半紙苦寒不能衣饑難
 爲食聊以解嘲耳

祝姚君澧珊先生七旬雙壽

調寄萬年歡

黃思履

福建同安

葱蔚漁亭正德星聚井文氣凌斗報道先生高卧竹風穿

黔縣四志

卷十五

雜誌詞

一百十一

牖不惜金樽笑倒掀髯問菖蒲青否煙溪上放鶴歸來綠
 陰庭院清畫 當年釣鰲巨手半東南名宿疏附奔走甲
 算添籌祝嘏稱觴恐後繞膝蘭芳桂馥第一羨齊眉白首
 福無量頌徧騶輿月圓花好人壽

又

調寄壽星明

江西南城

饒孝謙

腰笛南飛綵柳青蒲梅子黃時正皖江張宴含飴繞膝桐
 川高會案舉齊眉甲算添籌丁男祝嘏座上仙人海鶴姿
 古來稀仰雙星天際流照金卮 當年氣薄雲霓早馳騁
 文壇筆一枝况彥方老去平章鄉里少游歸後欵段追隨
 曲採黃公歌傳王母快睹東床撰妙詞長生樂看年年此

曰壽域同躋

題畫

調寄玉團兒

舒斯笏

畫中老梅一株花正盛開有五童嬉戲其下一稍
長紅袍烏靴以帕蒙眼作摸索之狀餘四童稍幼
短衣短袴前後左右蛇行鷺伏以引之題此畫時
爲民國庚申春間內閣風潮正澎湃也

稜稜老幹如冰鐵幾生修寒姿勁節說甚滄桑香常雋永
花常皎潔羣兒相戲胡癡絕笑中央盲童更拙四面擲
揄數番捉摸一場蹉跎

其二

前調

黔縣四志

卷十五

雜志 詞

一百十二

盲從瞎鬧梅花裏捉迷藏憧憧若此蒙養未端豈徒可惜
亦殊可鄙先生息怒休嗔彼徧塵寰無非戲耳靴帕登
場一方鶻落一方兔起

規友

調寄滿江紅

舒斯笏

民國紀元予辭部職趁海船南歸船中野數青年
談甚歡觀其箱上床間書本狼籍展視乃紅樓夢
及牡丹亭也詞以規之彼亦起而謝焉

才子佳人多半是文章幻造誰見過夢中杜柳園中黛寶
有志宜思乘浪語無題且棄殘詩藁勸先生休被說書欺
須知道素徽髮如蓬葆香君貌亦枯槁縱浮生勞碌名

場潦倒船舵終憑心地把斛愁速向情天掃我也曾滋味
箇中嘗回頭早

屏山十景十首

調寄法駕導引

舒斯笏

屏山十景予曾分咏十詩以紀其勝意有未盡再

綴小詞

屏風擁翠

屏風翠屏風翠 匝護舒村孔雀祥光開萬戶虹蜺彩色

映干門端直古銘存

李尤屏風銘
立必端直

吉陽曉日

吉陽日吉陽日五色麗中天懶向桃都觀景出

桃都山為
日始出處

黔縣四志

卷十五

雜志 詞

一百十三

長如黍谷得春先負曝過年年

三峯聳秀

三峯秀三峯秀綽約見仙姿幃展芙蓉憑月照

芙蓉嶂與
三峯遙對

屏遮翡翠怕風吹

屏風山
在其北

合咏粲兮詩

吉水流波

吉陽水吉陽水水出吉山巔來自源頭培學殖

予家書齋
門上額曰

源頭
活水

引從川上濬靈泉活潑即神仙

石洞春雲

石頭洞石頭洞裏覓禪宗仙女粧成容冉冉達摩坐處

影憧憧

仙女達摩
皆石洞名

虎跡落花封

梅林香雪

梅林好 梅林好 香聚雪成堆 此地祇宜高士卧 隔山招得

聖姑回

三聖姑尖 與林最近

華表鶴同來

祖墓在此 詞不能忘

八橋觀穫

八橋穫 八橋穫 納稼督田功 斯萬斯千占 大有餘三餘一

慶長豐 鼓腹九都同

比屋書聲

書聲起 書聲起 葭屋聽琅琅 絳帳遙鄰朱子里

屏山村 朱村 黃

巾下拜 鄭公鄉 星閣煥文昌

丹臺夜火

黟縣四志

卷十五

雜志 詞

一百十四

丹臺火 丹臺火 夜靜更純青 道悟真元歸紫府

真元道院 在臺之下

功成舍利誦 黃庭頑石亦通靈

臺係一 大方石

蓮塘玩月

蓮塘月 蓮塘月 對此益淒涼 三海橋邊曾待漏 五更夢裏

尚聞香人月 感滄桑

京師三海蓮花特奇開時仰者九瓣 俯者五瓣恰合九五之象不見君子

十載於茲 思之惓然

貪墨吏

調寄釵頭鳳

知何事 惟阿堵 衙中齷齪開門戶 黟山裏來狼虎 擇肥而
噬 張牙而舞 苦苦苦 古無匹 今無伍 纍纍贓案真難數
是強盜 非官府 勒民財物刮地皮 土虜虜

民國元年春辭部郎職攜眷歸里道經桃源洞二首

調寄滿江紅依陳
檢討過京口韻

舒斯笏

泛棹歸來攜眷屬平安到此試迴憶一場春夢昨非今是
洞口深林花競發溪頭傑閣萍同寄歎九年未見古衣冠
多更矣 觀勝境悟微旨藏玉白輕金紫彼塵容俗狀阿
阿唯唯時態定貽漁父笑仙源不返山靈恥問依然故我
究何如書生耳

其二

本是書生終不減神仙聲價況今日源猶宛在花猶未謝
世外蟠桃堪採摘箇中雞黍眞瀟灑逐風塵草草作勞人

黔縣四志

卷十五

雜志 詞

一百十五

胡爲者 尋石隱穿石罅水涯上山崖下約同心勝侶吟
詩結社落落雙清朱子鶴區區一失鄰翁馬任三徵越萬
里而來雲封也

丁巳重九屏風山登高二首

前調前韻

舒斯笏

氣爽天高重九節誰能遣此古人有龍山一會我聞如是
且喜屏風秋未老試邀舊雨懷同寄正夕陽方下月升時
都登矣 攜紙筆備甘旨蓮花白
京師有酒
名蓮花白 蓴菜紫請分
曹鬪韻衆皆曰唯靖節曾吟佳句在稚圭休把移文恥倘
良宵不醉便思歸癡兒耳

其二

翡翠屏開都說道此山無價况儕輩登高能賦才誇鮑謝
逸興雅同黃菊近餘杯笑向丹楓灑勝沐猴南面黥頭王
沉沉者 步籬落坐林罅新月上清露下做洛陽九老耆
英之社詩體何人稱蛺蝶狂名任彼呼牛馬語先生側帽
且從容風來也